



110586487

必係 包係 無係 最  
最 係 係 係 係  
一 係 係 係 係  
最 係 係 係 係

# 包係無係

包係無係

古歌汪西亭編訂

# 白香山詩集

長慶集 後集  
別集 白集補遺

一隅草堂藏板



余好爲詩尤喜讀古人書嘗以爲詩者載道之文言若  
止嘲風雪弄花草則於六義盡去矣其後觀唐書至白  
公樂天傳公所言往往與余合因愛讀其詩不輟乃知  
公立身本末無不合乎道特餘事作詩人耳公爲左拾  
遺時史載其諫草不一而足皆人所難言嘗殿中面對  
情辭切至論執強梗憲宗未喻輒進曰陛下誤矣帝變  
色罷謂李絳云云賴絳救免噫公真古之大臣以道事  
君者與而或徒以詩人目之豈知公者哉公嘗與元稹  
書略云大丈夫所守者道所待者時進退出處何往而  
不自得僕志在兼濟行在獨善奉而始終之則爲道言  
而發明之則爲詩又曰今僕之詩人所愛者悉不過雜  
律詩與長恨歌以下耳時之所重僕之所輕則公之立

言載道爲何如而豈屑屑嘲風雪弄花草以矜豔麗於雕章者比哉故余嘗讀公諷諭詩見兼濟之志焉讀公閒適詩見獨善之義焉此公所以進退出處無往而不自得也今香山集徧天下顧俗本多訛浸失其舊於是汪西亭氏重編訂而梓之旣歲事請序於余余惟公之賢史載之公詩之美元序詳之余能益一語乎哉惟願世之好爲詩如余者得公兼濟獨善之志而師之以進於道則於六義也幾矣康熙癸未且月商丘宋犖撰

詩家好名未有過於唐白傳者旣屬其友元微之排纘長慶集矣而又自編後集爲之序復爲之記旣以集本付其從子外孫矣而又分貯之東林南禪聖善香山諸寺比於杜元凱峴山碑尤汲汲焉或疑公曠達不應戚戚於年歲之逾邁沾沾於官秩之遷除計祿奉之損益不知公之進退出處係時事之否泰恒恐後人論世者不得其詳故屢見之篇咏斯則公之微意乎公集自宋李伯珍刊之吳郡何友諒刊之忠州二本均有年譜其後坊刻雜出漸失其舊或以譜非其要置而不錄迄於今紕繆轉甚余友汪君西亭氏患之旣定其卷次正其愆譌因仿國史表補撰年譜一卷書成旣鏤板以行余聞嘗熟毛氏藏有陳伯玉氏白文公譜假而觀之則君

所編悉與陳氏合而海圖屏風一篇君力辯非討淮蔡  
時事驗之陳譜亦同於是人皆服君之考證余乃勸君  
并刊陳譜示諸學者陳氏有言維揚李德劬作為年譜  
而不編年疎略抵牾今者李氏譜亡而陳氏譜復出與  
君所撰一經一緯互相發明不可謂非斯文之厚幸矣  
康熙四十二年夏六月幾望南書房舊史秀水朱彝尊  
序時年七十有五

昔人謂大曆後以詩名家者靡不由杜出韓之南山白  
之諷諭其最著矣就二公論之大抵韓得杜之變白得  
杜之正蓋各得其一體而造乎其極者故夫貫穿聲韻  
操縱格律肆厥排比終不失尺寸少陵而下亦莫如二  
公自后山妄斥昌黎已非通論至香山詩辭旨雖主於  
暢達要自刻意陶浣而出之使人不復能尋其斤斲之  
迹當時尤多好之者方牛李之隙贊皇且憾及香山每  
束其詩不觀劉賓客以為言則曰見便令人愛將回吾  
心矣憾之者猶若此好之者宜何如也嗚呼豈非廬陵  
所謂怨家仇人不能少毀而掩蔽之乎乃世多謬指淺  
率不經意語為白體甚者且拾東坡誅友之辭至以輕  
俗同譏抑又過矣今海內風雅駸駸起唐集舊本先後

白香山詩集序  
一  
流布注韓集凡五百家白詩日在人口獨無披榛莽而  
掃蕪穢者徒以公詩視唐人獨富辟如營丘濬壑則日  
求增拓為快若黃河千里望洋而歎但能考星宿於圖  
經而不暇躬泝其源流之分合也自惟荒陋無所窺見  
竊嘗習聞於先生長者之言既不敢附和而又重惜其  
誤若目之塵翳當去務復其舊而已世之好公詩者必  
將辨焉康熙壬午余月古歛汪立名序

凡例

白氏文集七十一卷內各體詩三十七卷凡二千八百  
餘首此外猶有集中遺漏者可謂富矣乃宋元以來殊  
未見有詩集單行槧本宋祁曰居易最長於詩它文未  
能稱是公與元九書反覆千餘言以自道其詩之所得  
力而文章顧略焉則公之自許者已有定論舉其所長  
不嫌略也

新唐書藝文志白氏長慶集七十五卷按公前集為長  
慶集元稹勘定訖長慶二年冬合五十卷以成於長慶  
四年明年改元寶曆故得名亦猶之乎前集中集云爾  
元序具在公之沒去長慶末二十有二年距微之沒亦  
十有五年從杭州召還及蘇州洛中詩皆在後集奈何



白香山詩集序例  
一  
以長慶集括公之作乎此誤相承已久至今莫辨良不可解

白集相傳以郭武定本爲最海虞馮定遠猶謂已失次第則其他可知春明退朝錄云公自勒文集成五十卷後集二十卷皆寫本寄藏廬山東林寺又藏龍門香山寺高駢鎮淮南寄語江西廉使取東林集而有之香山集經亂亦不復存其後履道宅爲普明僧院後唐明宗子從榮又寫本冥院之經藏今本是也後人亦補東林所藏皆篇目次第未真與今吳蜀摹板無異而文獻通考又云吳本蜀本編次亦不同又有外集一卷往往皆非自記之舊矣竝亡可考

郡齋讀書志長慶集七十一卷晁子止曰長慶集五十

卷後集二十卷續後集五卷本七十五卷續後集亡三卷按此亦當有七十二卷又云集後有聞李崖州貶二絕固疑非樂天語以編年考之果謬今集後無此詩然則今本之七十一卷又非復晁氏所論之舊矣

今本有姑蘇錢考功刻曰白氏文集雲間馬元調刻曰元白長慶集大都從元及白者故獨詳於元前有凡例後有補遺元刻旣竣漫鐫白集以附行耳往往前後不紊雜旣非分體又非編年二本略同而錢爲甚目與卷不合卷首所標與卷內不合有律詩卷而雜入古體者有一題小序而冠作通卷之序者有失去詩題竟以小序作題者有本是他人作因公唱和附見者輒易題中字扭爲公作甚至刪落字句顛倒前後舛譌未易枚數今

悉從各本校正

唐音丁籤載白詩全集鹽官胡氏曰集中詩三十七卷前後爲例不一難以彙編今通照後集分體仍備注以存其舊凡編五古二十卷七古二卷新樂府二卷長短句一卷五律五卷五排六卷七律九卷半律七排合一卷五絕一卷七絕七卷合五十四卷繆戾雖稍減於馬錢二本然分體太瑣遂有一題之詩而割裂各卷者且其所注前後集亦頗有誤蓋白詩歲月本井然可考如長慶集公自謂訖二年冬而胡本於三年詩亦注前集公自杭州還始卜居洛中得履道宅乃別杭州等詩竝在後集而洛中卜居履道里等詩反注前集雖本相沿之繆要其考據亦不得謂之詳密矣

古人詩多以地名如蘇州柳州樊川丁卯類然今長慶集後集既各自爲卷而仍統之曰白香山詩集從其歸老之地也

是集依胡本分前後集各本雖不另分二集然竝載後序於二十一卷之首且二十卷以上分諷諭閒適感傷律詩凡四類以類次卷卷各以年爲先後二十一卷以下則但分格律又互有間斷而獨不雜入長慶三年以前詩是後集之起於二十一卷明矣顧前集八卷及二十卷卷末反雜長慶三年詩者要亦有故嘗考元序與公自序長慶集五十卷後集二十卷各以詩文編次舊本既亡今本盡編文彙於三十七卷後中間取足卷尾未免移補遂失其舊如曲江感秋詩序云元和二年三

年四年皆有曲江感秋詩編在第七集卷今本第七卷盡江州詩而所謂第七集卷者皆莫可考西溪叢語云白樂天後集第五十一卷同微之贈別郭虛舟鍊師五十韻敘燒丹事甚詳今本此詩在二十一卷可見宋本尚各集詩文次卷未嘗截然列文於後也此非分并之明驗乎今編長慶集二十卷分類仍之後集十七卷各本僅分格律亦仍之合三十七卷公集本有續後集散失難稽其亡據者不敢臆分也

集內應制諸詩及試作皆別附卷有列賦後者有列制誥後者本不在三十七卷內蓋唐人多以此另為一體也集後又有謠吟歌篇等作文苑英華唐文粹皆入詩選從之都為別集一卷

今本遺漏詩甚多他不具論即韋穀才調集所選且有未備者乃從各本蒐輯次為白集補遺二卷合前後別集凡四十卷

公生平事略見於新舊唐書其中亦互有詳略第新書多假借字語致本事反以辭晦而年月先後亦不甚詳今備載舊書仍參考異同為一卷

宋鋟吳蜀本各有年譜一卷今可考者惟唐詩紀事中寥寥數行不編年而多紕繆丁籤自謂得虞山宋本校刻然年譜亦多襲紀事之誤而文加略焉似未見宋譜者蓋舊本之亡久矣竊不自揆參考志傳劄證諸家次為年譜一卷不過約略其出處先後之大槩俾讀公詩者雖編次失舊猶得按歲月以考之耳

詩中箋釋皆原注間有增入者則爲按字以別之但就本詩之可考者而已不復蔓引他書妄託箋注自惟淺陋不足以注古人詩而公詩亦非擗擗鉅釘所能摸索也

集中字句之訛悉從諸本校對家塾數種之外復假證於吳中舊家藏書有萬間堂校改本苔溪草堂本最後又得憩閒堂所藏泰興季侍御依宋刻手校本聚本不一自多互異若銀根灰豕鑿然譌繆抹改固不待言其或意義可通原屬疑似則注一作某字於其下以存其舊

唐宋詩話或因事揚扝引類旁通或考據時地頗足鼓吹風雅今竝采錄本詩之後又考公集中記序等作凡時事相涉詩文互見者亦因詩附載吟諷之下旣挹春華兼登秋實也

古人引用諸書必詳根柢出處嘉隆以後此風邈矣是集採用凡一百二十餘家各標原書名目其有邪說流傳不根已甚者亦間爲折衷駁正旣卒業適秀水朱檢討竹垞先生來探梅西山因過草堂留話竟日疑難相質多所發明旣歸復以藏弆鈔本郵寄廣所未備先生每及表章古人輒津津娓娓商榷忘倦衣被後學之功不敢忘也

是集緣起本以案頭俗本訛誤偶有考正日注行間漸采小史詩話筆記一二積之窮年不覺盈卷北還杜門重加編訂時家姪陞交泰來讀書小園相與晨夕謬謂

此本能洗俗刻蕪穢從史剗剗因為予讎校字畫襄成之雅固得附書

舊唐書本傳

白居易字樂天太原人北齊五兵尚書建之仍孫建生士通皇朝利州都督士通生志善尚衣奉御志善生温檢校都官郎中温生鎰歷酸棗鞏二縣令鎰生季庚建中初為彭城令時李正己據河南十餘州叛正己宗人洧為徐州刺史季庚說洧以彭城歸國因授朝散大夫大理少卿徐州別駕賜緋魚袋兼徐泗觀察判官歷衢州襄州別駕自鎰至季庚世敦儒業皆以明經出身季庚生居易初建立功於高齊賜田於韓城子孫家焉遂移籍同州至温徙於下邳今為下邳人焉居易幼聰慧絕人襟懷宏放年十五六時袖文一篇投著作郎吳人顧况况能文而性浮薄後進文章無可意者覽居易文

不覺迎門禮遇曰吾謂斯文遂絕復得吾子矣貞元十

四年始以進士就試禮部

登科記作貞元十六年高郢下及第四人新書但稱貞元中而不紀年考公集中送侯

權序及性習相遠近賦注皆云十六年又箴言序云貞元十有五年天子命書舍人渤海公領禮部貢舉事越明年春居易以進士舉一上登第然則十四年高郢猶未領貢舉事也舊書作十四年蓋據元序及公與元九書二十七歲之誤然元序云二十七舉進士舉者在春官試之先一年公與元九書云二十七方從鄉試尚未舉進士也公二十七為貞元十四年今遂云十四年就試禮部是二十六舉進士就鄉試矣亦與書序語不合總之數目字傳寫易誤不編年以考之多相仍繆耳

侍郎高郢擢昇甲科吏部判入等授秘書省校書郎元和元年四月憲宗策試制舉人應才識兼茂明於體用科策入第四等授盩厔縣尉集賢校理居易文辭富豔尤精于詩筆自讐校至結綬畿甸所著歌詩數十百篇皆意存諷賦箴時之病補政之缺而士君子多之往往流聞禁中章武皇帝納諫思理渴聞讜言二年十一月召入翰林為學士三年五月拜左拾遺

新書調盩厔尉月中召入翰林為學士遷左拾

遺

居易自以逢好文之主非次拔擢欲以生平所貯仰

酬恩造拜命之日獻疏言事曰蒙恩授臣左拾遺依前翰林學士已與崔羣同狀陳謝但言忝冒未吐衷誠今再瀆宸嚴伏惟重賜詳覽臣謹按六典左右拾遺掌供奉諷諫凡發令舉事有不便於時不合於道者小則上封大則廷諍其選甚重其秩甚卑所以然者抑有由也大凡人之情位高則惜其位身貴則愛其身惜位則偷合而不言愛身則苟容而不諫此必然之理也故拾遺之置所以卑其秩者使位未足惜身未足愛也所以重其選者使下不忍負心上不忍負恩也夫位不足惜恩不忍負然後能有闕必規有違必諫朝廷得失無不察天下利病無不言此國朝置拾遺之本意也由是而言

豈小臣愚劣暗懦所宜居之哉况臣本鄉校豎儒府縣走吏委心泥滓絕望煙霄豈意聖慈擢居近職每宴飲無不先預每慶賜無不先霑中廐之馬代其勞內厨之膳給其食朝慙夕惕已逾半年塵曠漸深憂媿彌劇未申微効又擢清班臣所以授官已來僅經十日食不知味寢不遑安唯思粉身以答殊寵但未獲粉身之所耳今陛下肇臨皇極初受鴻名夙夜憂勤以求致理每施一政舉一事無不合于道便於時者萬一事有不便於時者陛下豈不欲聞之乎萬一政有不合於道者陛下豈不欲知之乎儻陛下言動之際詔令之間小有闕遺稍關損益臣必密陳所見潛獻所聞但在聖心裁斷而已臣又職在禁中不同外司欲竭愚誠合先陳露伏希

天鑒深察赤誠

新書四年天子以旱甚下詔有所蠲貸振除災沴居易見詔節未詳即建言乞盡免江淮兩賦以救流瘠且多出宮人憲

宗頗采納是時于頔入朝悉以歌舞入內禁中或言普寧公主取以獻皆頔嬖愛居易以為不如歸之無令頔得歸曲天子

居易與河南

元稹相善同年登制舉

按元稹選判已與居易同年寄微之百韻詩注云貞元中與微之同登科第俱授校書郎始相

識也是不獨制舉同年矣

交情隆厚稹自監察御史謫為江陵府士曹掾

翰林學士李絳崔羣上前面論稹無罪居易累疏切諫曰臣昨緣元稹左降頻已奏聞臣內察事情外聽眾議元稹左降有不可者三何者元稹守官正直人所共知自授御史已來舉奏不避權勢祇如奏李佐公等事多是朝廷親情人誰無私因以挾恨或假公議將報私嫌遂使誣謗之聲上聞天聽臣恐元稹左降已後凡在位者每欲舉職必先以稹為誠無人肯為陛下當官守法無人肯為陛下嫉惡繩愆內外權貴親黨縱有大過大

六子  
本傳  
罪者必相容隱而已陛下從此無由得知此其不可者  
一也昨元稹所追勘房式之事心雖徇公事稍過當既  
從重罰足以懲違况經謝恩旋又左降雖引前事以為  
責辭然外議喧喧皆以為稹與中使劉士元爭廳因此  
獲罪至於爭廳事理已具前狀奏陳况聞士元蹋破驛  
門奪將鞍馬仍索弓箭嚇辱朝官承前已來未有此事  
今中官有罪未聞處置御史無過却先貶官遠近聞知  
實損聖德臣恐從今已後中官出使縱暴益甚朝官受  
辱必不敢言縱有被凌辱毆打者亦以元稹為戒但吞  
聲而已陛下從此無由得聞此其不可二也臣又訪聞  
元稹自去年已來舉奏嚴礪在東川日枉法没入平人  
資產八十餘家又奏王沼違法給券令監軍神樞及家

口入驛又奏裴玢違勅徵百姓州又奏韓皋使軍將封  
杖打殺縣令如此之前後甚多屬朝廷法行悉有懲  
罰計天下方鎮皆怒元稹守官今貶為江陵判司即是  
送與方鎮從此方便報怨朝廷何由得知伏聞德宗時  
有崔善貞者告李錡必反德宗不信送與李錡錡掘坑  
熾火燒殺善貞曾未數年李錡果反至今天下為之痛  
心臣恐元稹貶官方鎮有過無人敢言陛下無由得知  
不法之事此其不可者三也若無此三不可假如朝廷  
誤左降一御史蓋是小事臣安敢煩瀆聖聽至於再三  
誠以所損者深所關者大以此思慮敢不極言疏入不  
報又淄青節度使李師道進絹為魏徵子孫贖宅新書師道上私  
錢六百萬為魏徵孫贖故第居易諫曰徵是陛下先朝宰相太宗嘗賜殿



材成其正室尤與諸家第宅不同子孫典貼其錢不多  
 自可宜中為之收贖而令師道掠美事實非宜憲宗深  
 然之上又欲加河東王諤平章事居易諫曰宰相是陛  
 下輔臣非賢良不可當此位諤誅剝民財以市恩澤不  
 可使四方之人謂陛下得王諤進奉而與之宰相深無  
 益於聖朝乃止

新書是時孫琦以禁衛勞擢鳳翔節度使張奉國定徐州  
 平李琦有功遷金吾將軍居易為帝言宜罷琦進奉國以

其子夫久繫妻嫁債無償期禁無休日請一切罷之奏凡十餘上

王承宗

拒命上令神策中尉吐突承瓘為招討使諫官上章者  
 十七八居易面論辭情切至既而又請罷河北用兵凡  
 數千百言皆人之難言者上多聽納唯諫承瓘事切上  
 頗不悅

新書後對殿中論執強鯁帝未諭輒進  
 曰陛下誤矣帝變色罷謂李絳云云

謂李絳曰白居易小

子是朕拔擢致名位而無禮於朕朕實難奈絳對曰居

易所以不避死亡之誅事無巨細必言者蓋酬陛下特  
 力拔擢耳非輕言也陛下欲開諫諍之路不宜阻居易  
 言上曰卿言是也繇是多見聽納五年當改官上謂崔  
 羣曰居易官卑俸薄拘於資地不能超等其官可聽自  
 便奏來居易奏曰臣聞姜公輔為內職求為京府判司  
 為奉親也臣有老母家貧養薄乞如公輔例於是除京  
 兆府戶曹參軍六年四月丁母陳夫人之喪退居下邳  
 九年冬入朝授太子左贊善大夫十年七月盜殺宰相  
 武元衡居易首上疏論其冤急請捕賊以雪國恥宰相  
 以官官非諫職不當先諫官言事會有素惡居易者倚  
 撫居易言浮華無行其母因看花墮井而死而居易作  
 賞花及新井詩甚傷名教不宜寘彼周行執政方惡其

言事奏貶為江表刺史詔出中書舍人王涯上疏論之  
言居易所犯狀迹不宜治郡追詔授江州司馬居易儒  
學之外尤通釋典常以忘懷處順為事都不以遷謫介  
意在湓城立隱舍於廬山遺愛寺嘗與人書言之曰予  
去年秋始遊廬山到東西二林間香鑪峰下見雲木泉  
石勝絕第一愛不能捨因立草堂前有喬松十數株修  
竹千餘竿青蘿為牆援白石為橋道流水周於舍下飛  
泉落於簷間紅榴白蓮羅生池砌居易與湊滿朗晦四  
禪師追永遠宗雷之迹為人外之交每相攜遊詠躋危  
登險極林泉之幽遂至于翛然順適之際幾欲忘其形  
骸或經時不歸或踰月而返郡守以朝貴遇之不之責  
時元稹在通州篇詠贈答往來不以數千里為遠嘗與

稹書因論作文之大旨曰夫文尚矣三才各有文天之  
文三光首之地之文五材首之人之文六經首之就六  
經言詩又首之何者聖人感人心而天下和平感人心  
者莫先乎情莫始乎言莫切乎聲莫深乎義詩者根情  
苗言華聲實義上自賢聖下至愚駘微及豚魚幽及鬼  
神羣分而氣同形異而情一未有聲入而不應情交而  
不感者聖人知其然因其言經之以六義緣其聲緯之  
以五音音有韻義有類韻協則言順言順則聲易入類  
舉則情見情見則感易交於是乎孕大含深貫微洞密  
上下通而一氣泰憂樂合而百志熙二帝三王所以直  
道而行垂拱而理者揭此以為大柄決此以為大竇也  
故聞元首明股肱良之歌則知虞道昌矣聞五子洛汭

之歌則知夏政荒矣言者無罪聞者作誠言者聞者莫不兩盡其心焉洎周衰秦興採詩官廢上不以詩補察時政下不以歌洩道人情用至於諛成之風動救失之道缺於時六義始刊矣國風變為騷辭五言始於蘇李詩騷皆不遇者各繫其志發而為文故河梁之句止於傷別澤畔之吟歸於怨思彷徨抑鬱不暇及他耳然去詩未遠梗槩尚存故興離別則引雙鳧一鴈為喻諷君子小人則引香草惡鳥為比雖義類不具猶得風人之什二三焉於時六義始缺矣晉宋已還得者蓋寡以康樂之奧博多溺於山水以淵明之高古偏放於田園江鮑之流又狹於此如梁鴻五噫之例者百無一二於時六義寔微矣陵夷至於梁陳間率不過嘲風雪弄花草

而已噫風雪花草之物三百篇中豈捨之乎顧所用何如耳設如北風其涼假風以刺威虐雨雪霏霏因雪以愍征役棠棣之華感華以諷兄弟采采芣苢美草以樂有子也皆興發於此而義歸於彼反是者可乎哉然則餘霞散成綺澄江淨如練歸花先委露別葉乍辭風之什麗則麗矣吾不知其所諷焉故僕所謂嘲風雪弄花草而已於時六義盡去矣唐興二百年其間詩人不可勝數所可舉者陳子昂有感遇詩二十首鮑防感興詩十五篇又詩之豪者世稱李杜李之作才矣奇矣人不迨矣索其風雅比興十無一焉杜詩最多可傳者千餘首至於貫穿今古覩縷格律盡工盡善又過於李焉然撮其新安石壕潼關吏蘆子關花門之章朱門酒肉臭

路有凍死骨之句亦不過十三四杜尚如此况不迨杜者乎僕常痛詩道崩壞忽忽憤發或廢食輟寢不量力欲扶起之嗟乎事有大謬者又不可一二而言然亦不能不粗陳於左右僕始生六七月時乳母抱弄於書屏下有指之字無字示僕者僕雖口未能言心已默識後有問此二字者雖百十其試而指之不差則知僕宿習之緣已在文字中矣及五六歲便學為詩九歲暗識聲韻十五六始知有進士苦節讀書二十已來晝課賦夜課書間又課詩不遑寢息矣以至於口舌成瘡手肘成胝既壯而膚革不豐盈未老而齒髮早衰白脊然如飛蠅垂珠在眸子中者動以萬數蓋以苦學力文之所致又自悲矣家貧多故年二十七方從鄉試既第之後

雖專於科試亦不廢詩及授校書郎時已盈三四百首或出示交友如足下輩見皆謂之工其實未窺作者之域耳自登朝來年齒漸長閱事漸多每與人言多詢時務每讀書史多求理道始知文章合為時而著歌詩合為事而作是時皇帝初即位宰府有正人屢降璽書訪人急病僕當此日擢在翰林身是諫官月請諫紙啓奏之間有可以救濟人病裨補時闕而難於指言者輒詠歌之欲稍稍進聞於上上以廣宸聽副憂勤次以酬恩獎塞言責下以復吾平生之志豈圖志未就而悔已生言未聞而謗已成矣又請為左右終言之凡聞僕賀雨詩衆口籍籍以為非宜矣聞僕哭孔戡詩衆面脉脉盡不悅矣聞秦中吟則權豪貴近者相目而變色矣聞登

樂遊園寄足下詩則執政柄者扼腕矣聞宿紫閣邨詩則握軍要者切齒矣大率如此不可徧舉不相與者號為沽譽號為詆訐號為訕謗苟相與者則如牛僧孺之戒焉乃至骨肉妻孥皆以我為非也其不我非者舉世不過三兩人有鄧魴者見僕詩而喜無何魴死有唐衢者見僕詩而泣未幾而衢死其餘即足下足下又十年來困躓若此嗚呼豈六義四始之風天將破壞不可支持耶抑又不知天意不欲使下人痛苦聞於上耶不然何有志於詩者不利若此之甚也然僕又自思關東一男子耳除讀書屬文外其他懵然無知乃至書畫碁博可以接群居之歡者一無通曉即其愚拙可知矣初應進士時中朝無總麻之親達官無半面之舊策蹇步於

利足之途張空拳於戰文之場十年之間三登科第名落衆耳迹昇清貴出交賢俊入侍冕旒始得名於文章終得罪於文章亦其宜也日者聞親友間說禮吏部舉選人多以僕私試賦判為準的其餘詩句亦往往在人口中僕慙然自媿不之信也及再來長安又聞有軍使高霞寓者欲聘倡妓妓大誇曰我誦得白學士長恨歌豈同他哉由是增價又足下書云到通州日見江館柱間有題僕詩者何人哉又昨過漢南日適遇主人集衆娛樂他賓諸妓見僕來指而相顧曰此是秦中吟長恨歌主耳自長安抵江西三四千里凡鄉校佛寺逆旅行舟之中往往有題僕詩者士庶僧徒孀婦處女之口每有詠僕詩者此誠雕篆之戲不足為多然今時俗所重

正在此耳雖前賢如淵雲者前輩如李杜者亦未能忘情於其間哉古人云名者公器不可多取僕是何者竊時之名已多既竊時名又欲竊時之富貴使已為造物者肯兼與之乎今之屯窮理固然也况詩人多蹇如陳子昂杜甫各授一拾遺而屯剝至死孟浩然輩不及一命窮悴終身近日孟郊六十終試協律張籍五十未離一太祝彼何人哉况僕之才又不逮彼今雖謫佐遠郡而官品至第五月俸四五萬寒有衣飢有食給身之外施及家人亦可謂不負白氏子矣微之微之勿念我哉僕數月來檢討囊帙中得新舊詩各以類分分為卷目自拾遺來凡所遇所感關於美刺興比者又自武德至元和因事立題題為新樂府者共一百五十首謂之諷

諭詩

英華作諷詩

又或退公獨處或移病閑居知足保和吟翫

性情者一百首謂之閑適詩又有事物牽於外情理動於內隨感遇而形於歎詠者一百首謂之感傷詩又有五言七言長句絕句自百韻至兩韻者四百餘首謂之雜律詩凡為十五卷約八百首異時相見當盡致於執事微之古人云窮則獨善其身達則兼濟天下僕雖不肖常師此語大丈夫所守者道所待者時時之來也為雲龍為風鵬勃然突然陳力以出時之不來也為霧豹為冥鴻寂兮寥兮奉身而退進退出處何往而不自得哉故僕志在兼濟行在獨善奉而始終之則為道言而發明之則為詩謂之諷諭詩兼濟之志也謂之閑適詩獨善之義也故覽僕詩者知僕之道焉其餘雜律詩或

誘於一時一物發於一笑一吟率然成章非平生所尚者但以親朋合散之際取其釋恨佐歡今銓次之間未能刪去他時有爲我編集斯文者略之可也微之夫貴耳賤目榮古陋今人之大情也僕不能遠徵古舊如近歲韋蘇州歌行才麗之外頗近興諷其五言詩又高雅閑澹自成一家之體今之秉筆者誰能及之然當蘇州在時人亦未甚愛重必待身後人始貴之今僕之詩人所愛者悉不過雜律詩與長恨歌已下耳時之所重僕之所輕至於諷諭者意激而言質閒適者思澹而辭迂以質合迂宜人之不愛也今所愛者並世而生獨足下耳然百千年後安知復無如足下者出而知愛我詩哉故自八九年來與足下小通則以詩相戒小窮則以詩

相勉索居則以詩相慰同處則以詩相娛知吾罪吾率以詩也如今年春遊城南時與足下馬上相戲因各誦新豔小律不雜他篇自皇子陂歸昭國里迭吟遞唱不絕聲者二十里餘樊李在傍無所措口知我者以爲詩仙不知我者以爲詩魔何則勞心靈役聲氣連朝接夕不自知其苦非魔而何偶同人當美景或花時宴罷或月夜酒酣一詠一吟不覺老之將至雖驂鸞鶴遊蓬瀛者之適無以加於此焉又非仙而何微之微之此吾所以與足下外形骸脫迹傲軒鼎輕人寰者又以此也當此之時足下興有餘力且欲與僕悉索還往中詩取其尤長者如張十八古樂府李二十新歌行盧楊二秘書律詩竇七元八絕句博搜精掇編而次之號爲元白

往還集衆君子得擬議於此者莫不踊躍欣喜以為盛事嗟乎言未終而足下左轉不數月而僕又繼行心期索然何日成就又可為之太息矣僕常語足下凡人為文私於自是不忍於割截或失於繁多其間妍媸益又自惑必待文友有公鑒無姑息者討論而削奪之然後繁簡當否得其中矣况僕與足下為文尤患其多已尚病之况他人乎今且各纂詩筆粗為卷第待與足下相見日各出所有終前志焉又不知相遇是何年相見是何地溘然而至則如之何微之知我心哉潯陽臘月江風苦寒歲暮鮮歡夜長少睡引筆鋪紙悄然燈前有念則書言無銓次勿以繁雜為倦且以代一夕之話言也居易自敘如此文士以為信然十三年冬量移忠州刺

史自潯陽浮江上峽十四年三月元稹會居易於峽口

停舟夷陵三日時季弟行簡從行三人於峽州西二十

里黃牛硤口石洞中置酒賦詩戀戀不能訣南賓郡當

峽路之深險處也花木多奇居易在郡為木蓮荔枝圖

寄朝中親友各記其狀記荔枝木蓮見後不複錄盛傳都下好事者喧

然模寫其年冬召還京師拜司門員外郎明年轉主客

郎中知制誥加朝散大夫始著緋新書穆宗好畋游獻續虞人箴以諷時元稹

亦徵還為尚書郎知制誥同在綸閣長慶元年三月穆宗

本紀作元年四月此三月當誤受詔與中書舍人王起覆試禮部侍郎錢徽

下及第人鄭朗等一十四人十月轉中書舍人新書田布拜魏博節

度使命持節宣諭布遺五百緡詔使受之辭曰布父讎國恥未雪人當以物助之乃取其財誼不忍方諭問旁午若悉有所贈則賊未殄布貨竭矣詔聽辭餉十

一月穆宗親試制舉人又與賈餗陳岵為考策官凡朝



廷文字之職無不首居其選然多為排擯不得用其才  
時天子荒縱不法執政非其人制御乖方河朔復亂居  
易累上疏論其事天子不能用乃求外任（新書）是時河朔復

遷延無功賊取弓高絕糧道深州圍益急居易上言兵多則難用將眾則不一宜  
詔魏博澤潞定滄四節度使令各守境以省度支贖餉每道各出銳兵三千使李  
光顏將充顏故有鳳翔徐滑河陽陳許軍無慮四萬可竟薄賊開弓高糧路合下  
博解深州三圍與牛元翼合還裴度招討使使悉太原兵西壓境見利乘源夾攻  
之間令招諭以動其心未及誅夷必由生變且光顏久將有威名度為人忠勇可  
當一面無若二人於是天子荒縱宰相才下責罰失所宜坐視賊無能為居易忠  
不見聽乃七月除杭州刺史俄而元稹罷相自馮翊轉浙

東觀察使交契素深杭越鄰境篇詠往來不間旬浹嘗

會於境上數日而別（新書）為杭州刺史始築堤捍錢唐湖鍾洩  
其水溉田千頃復浚李泌六井民賴其汲秩滿

除太子左庶子分司東都寶曆中復出為蘇州刺史文  
宗即位徵拜秘書監賜金紫九月上誕節召居易與僧  
惟澄道士趙常盈對御講論於麟德殿居易論難鋒起

辭辨泉注上疑宿構深嗟挹之大和二年正月轉刑部

侍郎封晉陽縣男食邑三百戶三年稱病東歸求為分

司官尋除太子賓客居易初對策高第擢入翰林蒙英

主特達顧遇頗欲奮厲効報苟致身於訐謨之地則兼

濟生靈蓄意未果望風為當路者所擠流徙江湖四五

年間幾淪蠻瘴自是宦情衰落無意於出處唯以逍遙

自得吟詠情性為事大和已後李宗閔李德裕朋黨事

起是非排陷朝昇暮黜天子亦無如之何楊穎士楊虞

卿與宗閔善居易妻穎士從父妹也居易愈不自安懼

以黨人見斥乃求致身散地冀於遠害凡所居官未嘗

終秩率以病免固求分務識者多之五年除河南尹七

年復授太子賓客分司初居易罷杭州歸洛陽於履道

里得故散騎常侍楊馮宅竹木池館有林泉之致家妓  
樊素蠻子者能歌善舞居易既以尹正罷歸每獨酌賦  
詠於舟中因為池上篇池上篇載詩內不復錄又効陶潛五柳先生作

醉吟先生以自况文章曠達皆此類也太和末李訓構  
禍衣冠塗地士林傷感居易愈無宦情開成元年除同

州刺史辭疾不拜尋授太子少傅進封馮翊縣開國侯  
四年冬得風病伏枕者累月乃放諸妓女樊蠻等仍自

為墓志病中吟詠不輟病中詩序載詩內不復錄會昌中請罷太子少傅

以刑部尚書致仕與香山僧如滿結香火社每肩輿往

來白衣鳩杖自稱香山居士大中元年卒時年七十有

六贈尚書右僕射新書會昌初以刑部尚書致仕六年卒年七十五贈尚書右僕射宣宗以詩弔之遺命薄葬無請謚又云厥中

為相請謚有司曰文北夢瑣言牛僧孺初卒未賜謚後白敏中入相乃奏定謚曰簡白居易曰文唐語林大中末諫官獻疏請賜白居易謚上曰何不讀醉吟先生

墓表卒不賜謚弟敏中在相位奏立神道碑使李商隱為之按商隱碑文未嘗稱謚亦但云應公之子景受而作設果由敏中奏請何無一字及朝典乎賜謚之說恐未足據也有文集七十五卷經史事類三十卷並行於世長

慶末浙東觀察使元稹為居易集序元序載長慶集卷首不復錄人以稹

序盡其能事居易嘗寫其文集送江州東西二林寺洛

城香山聖善等寺如佛書雜傳例流行之無子以其姪

孫嗣遺命不歸下邳按公自謚墓志葬下邳縣臨津里北源季墓碑作葬龍門太平寰宇記白居易影堂在洛陽縣南二

十里其為葬洛無疑若遺命則似屬穿鑿也可葬於香山如滿師塔之側家人從命

而葬焉新書贊云居易識世人所愛惟雜律詩彼所重我所輕至諷諭意激而

言質閑適思澹而辭迂以質合迂宜人之不愛也今視其文信然而杜

牧謂纖豔不逞非莊士雅人所為流傳人問子父女母交口教授淫言媒語入人

肌骨不可去蓋救所失不得不云立名按史筆矛盾如此安所謂識與斷乎且所

云纖豔不逞等本非杜牧語葉少蘊避暑錄話杜牧作李戡墓志戡誌元白詩語所謂非莊人雅士所為淫言媒語入人肌骨者元稹所不論如樂天諷諭閑適

之辭可繫謂淫言媒語耶戡不知何人而牧稱之過甚古今妄人不自量好抑揚予奪而人輒信之類爾觀牧詩纖豔淫媒乃正其所言而不自知也新唐書取為牧語論樂天傳以為救失不得不然蓋過矣牧記戡母夢有偉男子持雙兒授之子孔丘以是與爾及生戡因字之天授晁無咎每舉以為戲曰孔夫子乃為人作



按唐宰相世系表白氏出自姬姓周太王五世孫虞仲封於虞為晉所滅虞之公族井伯奚媵伯姬於秦受邑於百里因號百里奚奚生視字孟明古人皆先字後名故稱為孟明視孟明視二子一曰西乞術二曰白乙丙其後以為氏裔孫武安君起賜死杜郵始皇思其功封其子仲於太原故子孫世為太原人二十三世孫後魏太原太守邕邕五世孫建白氏家狀則曰楚殺白公其子奔秦代為名將乙丙已降是也未嘗作虞人及百里奚媵秦語表又以建為後周弘農郡守與家狀北齊五兵尚書贈司空不合白敏中大父名鱗與鎰同為溫之子乃以鱗為潏凡此皆誤也洪景盧容齋隨筆謂新唐書宰相世系表承用逐

家譜牒多所繆誤歐陽公略不削筆恐未可據信哉白公自撰醉吟先生墓志云有三姪長味道巢縣丞次景回淄州司兵叅軍次晦之舉進士並不詳何人子又云樂天無子以姪孫阿新為之後大中三年李商隱為公墓碑云子景受自潁陽尉典治集賢御書表云景受孟懷觀察使以從子嗣則非阿新明矣按公墓志預作於會昌初豈其後復易以從子承祧而遂更其名乎表於景受下猶系二世景受生邦翰司封郎中邦翰生思齊鄭州錄事叅軍行簡子為味道成都尹今世系並依文集家狀仍載史表異同以備考

紀年

時事

出處

詩

代 大曆七年  
壬子

公自撰墓志以是年正月二十日生於鄭州新鄭縣東郭宅 花前有感詩何事同生壬子歲老於崔相及劉郎又元日詩自注余與劉郎中同生壬子歲

大曆八年

公生六七月時便默識之無二字指問百十試不差見與元九書

癸丑

公五六歲便學為詩見與元九書

大曆九年

公五六歲便學為詩見與元九書

甲寅

公五六歲便學為詩見與元九書

大曆十年

公五六歲便學為詩見與元九書

乙卯

公五六歲便學為詩見與元九書

大曆十一年

公五六歲便學為詩見與元九書

大曆十二年

公五六歲便學為詩見與元九書

大曆十三年

公五六歲便學為詩見與元九書

大曆十四年

公五六歲便學為詩見與元九書

大曆十五年

公五六歲便學為詩見與元九書

大曆十六年

公五六歲便學為詩見與元九書

大曆十七年

公五六歲便學為詩見與元九書

大曆十八年

公五六歲便學為詩見與元九書

大曆十九年

公五六歲便學為詩見與元九書

大曆二十年

公五六歲便學為詩見與元九書

大曆二十一年

公五六歲便學為詩見與元九書

大曆二十二年

公五六歲便學為詩見與元九書

德 建中元年  
庚申正月  
宗 改元

五月代宗崩德宗即位

公年九歲暗識聲韻見與元九書家狀云公父季庚以是年授徐州彭城令

建中二年  
辛酉

十一月徐州刺史李洧棄其帥李納以州來降

家狀云徐州隸東平本道節度使反其宗人李洧為州刺史府君與之潛謀以徐州及埇口歸國反拒東平堅守待敵超拜本州別駕

建中三年  
壬戌

公年十一歲宿滎陽詩生長在滎陽少小辭鄉國迢迢四十載復到滎陽宿去時十一二今年五十六時兩河用兵公避難越中當在是年

建中四年  
癸亥

十月涇原兵過京師作亂帝如奉天

|                    |  |  |              |
|--------------------|--|--|--------------|
| 興元元年<br>甲子正月<br>改元 | 七月車駕還長安  |  |              |
| 貞元元年<br>乙丑正月<br>改元 | 吳郡詩石記云貞元初<br>韋應物為蘇牧房孺復<br>為杭牧予始年十四五<br>旅二郡   |  |              |
| 貞元二年<br>丙寅         | 四月淮西牙將陳德<br>奇殺李希烈以降以十五<br>江樓望歸詩注<br>奇為淮西節度使七時避難在越中復有田<br>月奇為少誠所殺以圍隔鹵塵之句當在是<br>少誠為留後吐蕃年<br>入寇 | 公年十六詩話云公十<br>五六初至京師袖文謁<br>顧况易之及見野火燒<br>不盡句為之歎服延譽 | 賦得古原草送別<br>除 |
| 貞元三年<br>丁卯         |  |  | 王昭君二首        |
| 貞元四年<br>戊辰         |  |  |              |
| 貞元五年<br>己巳         | 正月詔以二月一日<br>為中和節   | 公年十八時在京師見病中作<br>中和節頌                             |              |
| 貞元六年               |  |  |              |

|             |                              |   |                                  |
|-------------|------------------------------|---|----------------------------------|
| 庚午          | 貞元七年<br>辛未                   |   | 醉中走筆贈劉五主簿<br>云是時相遇在符離我<br>年二十君三十 |
| 貞元八年<br>壬申  |                              |   |                                  |
| 貞元九年<br>癸酉  |                              |   |                                  |
| 貞元十年<br>甲戌  |                              |   |                                  |
| 貞元十一年<br>乙亥 |                              |   |                                  |
| 貞元十二年<br>丙子 | 七月宣武軍亂以董<br>晉鎮汴州陸長源為<br>行軍司馬 | 公年二十三家狀云是<br>年別駕公卒於襄陽官<br>舍別駕公自衢州移<br>襄州其年月皆不可考<br>按公有重到襄陽舊居<br>詩是年當在襄州 |                                  |
| 貞元十三年<br>丁丑 |                              |   |                                  |
| 貞元十四<br>九月  | 淮西吳少誠叛                       |   |                                  |

|      |      |                               |   |
|------|------|-------------------------------|---|
| 年戊寅  | 貞元十五 | 二月宣武節度使董晉卒軍亂殺留後陸長源詔諸道兵討淮西     | 公年二十八歲之其兄幼文浮梁任見傷遠行賦送侯權秀才序貞元十五年為宣城守所貢明年予中春官第凡作二十六二十七者皆誤也宣州試射中正鵠賦窗中列遠岫詩 |
| 貞元十六 | 年庚辰  | 四月以權知新羅國事金俊邕襲祖開府檢校太尉雞林州都督新羅國王 | 唐登科記貞元十六年二月高郢下及第第四人省試性習相遠近賦玉水記方流詩是年在徐州符離見祭花下勸酒後憶舊山                    |
| 貞元十七 | 年辛巳  |                               | 六兄文   |
| 貞元十八 | 年壬午  |                               | 鄭珣瑜領選部公試判拔萃科入等校校書郎  |
| 貞元十九 | 年癸未  | 十二月以高郢鄭珣瑜同平章事                 | 公年三十二歲養竹記常樂里閑居偶題兼寄云貞元十九年春居易以拔萃選及第授校書春獨遊曲江即始於長安求假居得常樂里故關相國之東           |

|      |       |   |                                   |
|------|-------|---|-----------------------------------|
| 貞元二十 | 年甲申   | 以武元衡為御史中丞   | 亭而處之選制以十一月為期至三月畢故也諸本皆誤餘詳注本傳       |
| 順    | 永貞元年  | 正月德宗崩順宗即位章執誼同平章事  | 時為校書郎移家秦中卜居渭上見泛渭賦                 |
| 宗    | 元二十一年 | 八月改以王伾為左散騎常侍王叔文為翰林學士罷進奉官市五坊小兒以王伾為翰林學士以杜佑為度支等使王叔文為副使立廣陵王純為太子賈耽鄭珣瑜病不視事七月太子監國以杜黃裳袁滋同平章事鄭珣瑜高郢罷八月順宗傳位太子自號太上皇王伾王叔文貶鄭餘慶同平章事貶韓泰等為諸州 | 公年三十四策林序云贈隱者感時首夏同諸校正遊開元觀因宿翫月永崇觀里居 |

皇朝山年譜

五

一隅草堂

憲 元和元年正月太上皇崩四月公應才識兼茂明於體送武士曹歸蜀 長恨  
 丙戌正月命宰相監試舉人於用科策入四等除整屋歌 招王質夫 駱口  
 宗 改元 尚書省以先朝所徵尉尉 驛歸喜蕭侍御書至  
 不歆親試也 縣北樓望山川等詩三  
 十二首

元和二年 正月以武元衡李吉墓碑云補整屋尉明年聽彈古淶水 祇役駱  
 甫同平章事 試進士取故蕭遂州澣口因與王質夫同遊秋  
 為第一事畢為集賢校山偶題 病假中南亭  
 理十一月自集賢院召閑望 仙遊寺獨宿  
 試授翰林學士見奉勅觀刈麥 京兆府新栽  
 試制書等五首自注 蓮 曲江感秋 太平  
 樂詞等七首

元和三年 四月制科舉人牛僧公年三十七為制策考西明寺牡丹花時憶元  
 孺皇甫湜李宗閔並官 除左拾遺上疏論九 松齋自題 夏日  
 登第三等宰相李吉王鐸賂謀宰相 獨直寄蕭侍御 醉中

元和四年 正月李蕃同平章事時因久旱將降德音公諷諭新樂府五十首  
 巴五 閏月制降繫囚蠲租欲令寔惠及人上陳五 賀雨 題海圖屏風  
 稅出宮人絕進奉禁事上皆從之又論裴均 同李十一醉憶元九  
 掠賣詔下而兩宰相違制進奉平盧節度使  
 表賀詔贖魏徵故第李師道請以私財贖魏  
 賜其家山南東道節 徵故第公奏言事關激  
 度使裴均進銀器十 勸宜出朝廷師道不當  
 月以吐突承瓘為招 掠美又論承瓘中使不  
 討處置使旋改為宣 當為制將統領

元和五年 正月貶監察御史元公上疏論救元稹不報贈吳丹 自題寫真  
 庚寅 積為江陵士曹權德 是年當改官詔聽自擇 秦中吟等詩 寒食夜  
 與同平章事 公乞如姜公輔奉卷例 五月除京兆戶曹參軍 登樂游園望贈樊著  
 作 哭孔戡 隱几  
 酬元九對新栽竹見寄  
 和夢遊春一百韻  
 和答詩十首 初除戶  
 曹等詩五首 代書一



|            |   |  |                                 |
|------------|---|--|---------------------------------|
| 元和六年<br>辛卯 | 正月李吉甫同平章<br>事十二月李絳同平<br>章事  | 四月公丁母陳縣君喪春雪<br>渭上等詩 重<br>退居渭上 穎川縣君到渭上舊居 白髮<br>事狀云元和六年四月慈烏夜啼 首夏病閑<br>三日沒於長安宣平里<br>第元稹祭文亦作六年<br>李碑作五年誤 | 百韻寄微之                           |
| 元和七年<br>壬辰 |   | 公年四十一退居渭村<br>歸田三首 聞哭者<br>自吟拙什因有懷 秋<br>日  |                                 |
| 元和八年<br>癸巳 | 正月徵西川節度使<br>武元衡復知政事   | 公退居渭村  |                                 |
| 元和九年<br>甲午 | 閏月吳少陽卒于元<br>濟匿喪自領軍務   | 是年公入朝拜太子左<br>贊善大夫元稹酬樂天<br>東南行詩注云九年樂<br>天除太子贊善子從事<br>觀舊居 寄楊六 哭<br>唐州也本傳亦作九年李三 昭國閑居                    | 薛中丞 訪陶十六首<br>冬夜                 |
| 元和十年<br>乙未 | 正月吳元濟反三月<br>以柳宗元為柳州刺<br>史劉禹錫朗州刺史<br>五月遣御史中丞裴<br>度宣慰淮西行營六<br>刺使王涯復論不當治上作 | 公上疏請捕刺武相賊<br>宰相以官官先臺諫言<br>事惡之會有撫公賞花<br>貶官過望秦嶺等詩二<br>十九首 舟行江州路<br>放言等詩十五                              | 酬盧秘書二十韻<br>重到華陽<br>重到華陽<br>重到華陽 |

|             |  |                            |   |
|-------------|--|----------------------------|---|
| 元和十一年<br>丙申 | 二月李逢吉同平章<br>事十二月王涯同平<br>章事   | 月盜殺宰相武元衡<br>裴度傷首裴度同平<br>章事 | 郡追改江州司馬   |
| 元和十二年<br>丁酉 | 七月以裴度為淮西<br>宣慰招討使九月崔<br>羣同平章事李逢吉<br>罷十月李愬夜襲蔡<br>州擒元濟檻送京師<br>李鄴同平章事十二<br>月賜裴度爵晉公復<br>入知政事 |                            | 首 謫居等詩五首<br>憶微之傷仲遠 初到<br>江州寄翰林張李杜三<br>學士                  |
| 元和十三年<br>戊戌 | 二月李夷簡同平章<br>事八月王涯罷皇甫<br>湊程异同平章事柳<br>泌為台州刺史   |                            | 北亭 汎湓水 琵琶<br>行 送春歸 夜宿江<br>浦聞元八改官因寄<br>四十五 庾樓新成等<br>十一首 除夜 |

白香山詩

隅草堂

元和十四年巳亥

四月裴度罷為河東春自潯陽浮江上峽三節度使七月令狐楚月舟至夷陵會元稹自同平章事十月崔羣罷為湖南觀察使

州當日上訖  
峽州西二十里黃牛峽等七首  
口石洞中置酒賦詩三日而別

洪歌行

初入峽 過昭君村 遇微之於峽中 題峽中石上 夜入瞿唐峽 初到忠州登東樓 寄王質夫 南賓郡齋即事寄楊萬州 東坡種花 西澗種柳 木蓮樹三首 種桃杏 冬至夜 除夜

元和十五年庚子

正月憲宗暴崩於中冬自忠州召還拜尚書和殿閏月太子即位司門員外郎轉主客司郎中知制誥

郡中春宴 寒食夜 臥小齋 春至等七首 花下對酒 喜山石榴花開 對酒示行簡 商山路 宿谿翁 招蕭處士 初除尚書郎脫刺史緋 吟元郎 中白鬚詩等十六首 登龍昌上寺望江南山 懷錢舍人 慈恩寺有感等十五首 行簡同 早朝

穆長慶元年 辛丑正月 改元 宗

四月貶錢徽李宗閔加朝散大夫始著緋又春憶二林寺舊遊中為遠州刺史楊汝士轉上柱國除中書舍人書連直寒食不歸因憶開江令七月成德兵知制誥四月錢徽下及元九 酬元郎中同制馬使王成濬殺田弘第鄭朗等十四人宗閔加朝散大夫 草詞畢正起復弘正子田布婿汝士弟皆及第李德等十一首 新昌新居為魏博節度使討之 裕元稹於宗閔有隙因書事四十韻 喜敏中十月以裴度為鎮州同李紳言於上以為不及第 寄山僧 暮歸行營都招討使 公詔居易同中書舍人 自問 登龍尾道南 王起重試自是裕閔各望憶廬山舊隱 久不分朋黨相傾軋垂四十見韓侍郎戲題四韻寄 軍田布遺絹五百不受 之

長慶二年 壬寅

正月盧龍兵陷弓高公年五十一時國是日勤政樓西老柳 和韓二月元稹同平章事荒賞罰失宜河朔再亂 侍郎題揚舍人林亭見以裴度為司空留守 公連上疏言軍事及時 寄 初罷中書舍人 東都三月詔留度輔政皆不見用求外任七 次藍溪等二十首 宿政六月裴度罷為右月除杭州刺史時汴河 陽城驛對月 商山路 僕射元稹罷為同州未通取襄陽路赴任以 有感等十首 重到江 刺史李逢吉同平章十月至杭州 州題郡樓等八首 醉 事 後狂言酬蕭殷二協律 初到郡齋等十九首

長慶三年

三月牛僧孺同平章 公在杭州是年冬微之 二月五日杭州花下等

癸卯

事以裴度為山南東移浙東觀察越州刺史  
道節度使

十六首 小歲日等詩  
錢唐湖春行 餘杭  
形勝 同遊恩德寺  
早冬 醉送崔協律赴  
河南 微之除浙東觀  
察和答等詩十七首  
除夜寄微之 失鶴

長慶四年正月穆宗崩太子即  
甲辰 位

公在杭州築堤捍湖濬除官去未闕 三年為  
李泌六井是年秩滿以刺史 除官赴關留別  
五月去杭除左庶子分微之等詩八首 茅城  
司東都於洛中履道里 驛 河陰夜泊憶微之  
得故散騎常侍楊馮宅 杭州迴舫 洛下卜  
居等詩十四首 洛下  
寓居等詩十九首 履  
道新居二十韻 九日  
思杭州舊遊等十首

敬 寶曆元年  
乙巳正月 昌節度使以李絳為  
太子少師分司東都  
宗 改元

三月除蘇州刺史五月  
洛城東花下等五首  
除蘇州刺史別洛城東  
花 奉和汴州令狐令  
公二十二韻 渡淮  
赴蘇州等詩六首 郡  
齋旬假命宴等六首

自到郡齋等詩十二首  
題郡樓兼呈二判官  
霓裳羽衣歌 題靈巖  
寺 東城桂三首 對  
酒吟等十五首

寶曆二年  
甲午

二月以裴度為司空  
同平章事十一月李  
逢吉罷十二月宦官  
劉克明弑帝立絳王  
悟王守澄等討克明  
殺悟立江王涵韋處  
厚同平章事

公以病免郡事

自詠五首 歲日家宴  
等十四首 重答劉和  
州 題東武丘寺 夜  
遊西武丘寺 百日假  
滿 喜罷郡 答白太  
守行 松江亭等詩十  
二首 望亭驛酬別周  
判官等詩六首

文 太和元年  
丁未正月  
宗 改元

六月王播同平章事

三月徵拜秘書監賜金  
初授秘書監等詩四首  
紫十月文宗誕節詔公  
憶廬山舊遊及洛下  
與安國寺沙門義林太  
新居等三首 喜與韋  
清官道士楊弘元講論  
左丞同入南省因敘舊  
於麟德殿見三教論衡  
贈之 酬裴相公題興  
舊書作僧惟澄道士趙  
化小池見招 開行  
閒出 和楊郎中賀楊  
僕射致仕後侍郎門生  
合宴席上作

太和二年十二月魏博軍亂以路隨同平章事

洛中集序太和二年授微之就拜尚書居易續刑部侍郎明年病免歸除刑部用書賀意兼詠洛授賓客分司時公年五十七胡氏丁籤作元年轉刑部侍郎誤

太和三年七月李宗閔同平章事

時二李黨事起公稱病東歸以太子賓客分司東都自此不復出矣

巳酉

病免後喜除賓客等詩四首 偶作二首 將至東都先寄令狐留守歸履道宅等十三首 池上作 想東遊五十韻 酬別微之 自朝 阿崔

太和四年正月牛僧孺同平章事

庚戌

勸酒 何處難忘酒七首 三月三十日作 不如來飲酒七首 秋遊平泉贈韋處士閒禪師

太和五年

除河南尹 是年七月六十拜河南尹等詩五

辛亥

元稹卒於武昌

太和六年十二月牛僧孺罷為淮南節度使

壬子

是年公為河南尹狀薦李晏及伊闕山平泉處士韋楚

太和七年

癸丑

二月李德裕同平章事四月以病免河南尹再授賓客分司

太和八年

甲寅

十月李宗閔同平章事李德裕罷為山南西道節度使

首 早飲醉中除河南

尹勅到 送敏中歸邠

寧幕 宴散等十一首

府西池等六首 哭

崔兒 哭微之

寒食洛下宴游 奉贈

分司東都諸公 六年

秋重題白蓮 元相公

挽歌詞 洛下送牛相

公出鎮淮南 五鳳樓

曉望 寄劉和州等十

一首 重修香山寺畢

題二十二韻 初入香

山寺院對月 六年冬

暮贈崔常侍

七年元日對酒 春題

府廳 詠興 秋涼閒

臥 再授賓客分司等

五首 哭崔常侍晦叔

白香山年譜

隅草堂

太和九年  
乙卯

四月賈餗同平章事  
十月加裴度中書令  
十一月李訓舒元興  
鄭注等謀誅宦官不  
克仇士良殺訓注元  
興王涯賈餗等以鄭  
覃李石同平章事

開成元年  
丙辰正月  
改元

四月李固言同平章

是年六十五除同州刺  
史不拜改太子少傅分  
司進馮翊縣侯

詠史 九年十一月二  
十一日感事而作 即  
事重題

開成二年  
丁巳

開成三年正月楊嗣復李珣同

春遊 自賓客遷太子  
少傅分司 詔授同州  
病不赴任因詠所懷  
寄楊六侍郎 從同州  
刺史改授 殘春詠懷  
贈楊侍郎 酬淮南牛  
相公見寄二十四韻  
六十六 同夢得寄賀  
東西川兩尚書 稷洛  
春晚酒醒尋夢得  
感事等詩八首 同夢  
得酬牛相公初到洛中  
小飲見贈 歲除夜對  
酒 櫻桃花下有感而作

戊午

平章事李石罷

開成四年  
己未

三月晉公裴度卒

公年六十八十月得風  
痺之疾乃放諸妓女  
舊書本傳云四年冬自  
為墓志

三年冬偶吟所懷等四  
首 奉和裴令公上巳  
遊太原龍泉憶去歲稷  
洛見示 與夢得沽酒  
閑飲且約後期 三年  
除夜  
四年春 白髮等詩十  
六首 病中詩 歲暮  
病懷贈夢得

開成九年  
庚申

正月帝崩太弟殺陳  
王成美遂即位九月  
李德裕同平章事

病入新正等詩十六首  
春盡日宴罷感事獨  
吟 春盡獨吟 答夢  
得和別柳枝 五年秋  
病後獨宿香山寺 開  
成大行皇帝挽歌詞四  
首

武 會昌元年  
辛酉正月  
宗 改元

三月貶楊嗣復潮州  
刺史李珣韶州刺史  
公年七十

元年春五絕句 改業  
山下留別佛光和尚  
昨日復今辰 偶吟  
自慰兼呈夢得 過裴  
令公宅 感秋詠意

會昌二年  
壬戌

二月李紳同平章事  
八月以白敏中為翰林學士

公年七十一罷太子少喜入新年自詠 初致  
傳以刑部尚書致仕紀 任贈留守牛丞相 醉  
事作元年致仕按公詩中吟 二年春題池西  
有七年為少傅又寫真小樓 官俸初罷親故  
詩序會昌二年罷太子見憂以詩諭之 夢上  
少傅為白衣居士又刑山 寫真等詩三首  
部尚書致仕詩十五年達哉樂天行 哭劉尚  
來洛下居以年考之自書夢得  
是會昌二年是年秋夢  
得卒

談氏小外孫玉童 雪  
暮偶與夢得同裴王飲  
和敏中洛下即事  
送敏中新授戶部員外  
郎西歸

會昌三年  
癸亥

會昌四年  
甲子

七月杜悰同平章事  
十一月貶牛僧孺循  
州長史李宗閔流封  
州

感舊

遊趙邨見杏花 問諸  
親友 開龍門八節石  
灘

會昌五年

三月於洛中為七老會宿府池西亭 閑眠

乙丑

會昌六年  
丙寅

三月立光王忱為皇  
太叔帝崩太叔即位  
是為宣宗明年丁卯  
改元大中

夏又合如滿僧李元爽  
為九老圖

柳枝 七老會詩 九  
老圖 齋居春久感事  
遺懷

是年八月公卒年七十  
五宣宗以詩弔之贈尚  
書右僕射十一月葬龍  
門見李商隱碑文  
六年立春人日作 自  
詠老身示諸家屬 寄  
王舉之李公垂相公

案直齋陳氏書錄解題曰吳郡守李伯珍刻白集有年譜一卷維楊李璜德劭撰余病其疎略抵牾號為年譜而不編年乃別為新譜刊附集首又曰知忠州漢嘉何友諒以居易舊治既刊其文集又作年譜列之集首始余為譜既成妹夫王秣叔守忠錄寄之則忠已有此譜視余譜詳略互見亦各有發明按此即所謂吳蜀本也今並亡失無可考惟唐詩紀事略有譜胡氏丁籤列白集之首者多從其說亦間有異同頗如陳氏所謂疎略抵牾號為年譜而不編年者大都仍吳本之誤也如貞元十六年本庚辰而訛曰己卯公生壬子歲是年二十九而訛曰二十八元和三年除左拾遺見本傳又見公奏狀又見奉勅試撰制

誥注而訛曰二年除謝狀稱五年五月始授京兆戶曹叅軍喪母則在六年四月而訛曰五年喪母賀雨詩云皇帝嗣寶曆元和三年冬自冬及春暮不雨旱燼燼是明屬四年作矣而訛曰三年冬作豈未見自冬及春暮句耶且云為贊善首尾四年尤謬公六年丁母喪九年拜贊善至十年謫潯陽才五年寄元九詩云一病經四年親朋書斷絕然則渭村退居已首尾四年安得五年為贊善哉十四年同知退赴忠州任於峽中遇微之作三游洞序而訛曰三遊洞庭會昌二年壬戌春致仕官俸初罷詩云七年為少傅公以開成丙辰加少傅至壬戌正是七年而訛曰元年致仕其中繆盭略舉於此既從而訂正之乃益叅考

傳志諸家所紀述仍舉公詩之歲月可考者繫其下次為年譜一卷時代云遠典籍淪亡或失据依寧闕其未確者不敢穿鑿傳會而曲為之說也敢以質諸博雅君子古歛汪立名誤

白香山年譜舊本

歲在玄默敦牂四月余方編刻白香山詩購宋槧年譜未得乃妄為考據誤次年譜一卷明年五月劄劂既竣復從朱檢討竹垞先生所得琴川汲古閣毛氏故所藏香山宋譜即直齋陳氏誤本不特編年繫事與余譜略同而其辨論海圖屏風詩為諷王承宗事作及元白隙終之繆之類無不暗合相去數百年如與古人晤對質疑亦大快事也始余為譜頗極駁史傳紀事諸書譌誤或者怪之獲見是書自幸可藉以白穿鑿杜謨之疑遂欲削去所誤獨留陳本而竹垞先生以為二譜一縱一橫體格本異且互有詳略不嫌並存又因其得諸既刻之後遂附次新譜非敢進



今而退古也譜既曰未嘗賜謚而猶稱白文公年譜  
一者從新史耳若其引据詩話雖已采錄重惜古本未  
忍裁節並仍其舊康熙癸未六月汪立名記

白文公年譜

公名居易字樂天白氏系出白起為秦將死杜郵始皇  
思其功封其子於太原故子孫世為太原人二十三世  
孫邕為後魏太原太守邕五世孫建北齊五兵尚書賜  
田於韓城因家焉始移籍同州建生士通唐利州都督  
生志善尚衣奉御生温檢校都官郎中徙華州下邽遂  
為下邽人生鎰鞏縣令生季庾襄州別駕公皇考也見  
舊史傳新史宰相世系表及公所述鞏縣府君事狀其  
不同者表稱虞公族百里奚媵秦穆姬生孟明視視生

二子曰西乞術白乙丙其後以為氏而事狀稱楚大子  
建之子勝號白公其子奔秦代為秦將白乙以降是也  
如表言則白出姬姓如狀言則出芊姓按左氏傳晉敗  
秦于殽獲百里孟明視西乞術白乙丙孟明氏百里謂  
為奚之子可也術丙與孟明號為三帥烏知其為孟明  
之子邪且萬無父子三人並將之理此其為說固已疎  
矣若事狀則又合白乙白勝為一族白乙為秦穆將去  
白勝幾二百年而云白乙以降則反以為白勝之後裔  
又何其考之不詳也元和姓纂載風俗通以白乙為嬴  
姓蓋亦以其為秦人意之爾姓纂復泛舉秦白起楚白  
勝周白圭漢白生等數人而皆不能言其自出大抵世  
祀緜邈譜牒散亡惟當用春秋見聞傳聞之義斷自近

始若必遠推古昔傳會本支則固不能亡抵牾矣  
代宗大曆七年壬子

正月二十日公始生於鄭州新鄭縣東郭宅見公自爲墓誌新鄭公祖鞏縣府君所居也杭蘇集本皆作六年歲在辛亥而公嘗有詩云何事同生壬子歲老於崔相及劉郎謂崔群劉禹錫皆同庚則非辛亥明矣集本誤也生六七月乳母抱立屏下指之無二字百試不差見公與元九書

八年癸丑

是歲鞏縣府君卒於新鄭

九年甲寅

十年乙卯

十一年丙辰

十二年丁巳

與元九書云年五六歲便學爲詩

十三年戊午

十四年己未

德宗建中元年庚申

與元九書云年九歲始識聲韻

二年辛酉

三年壬戌

四年癸亥

興元元年甲子

貞元元年乙丑

二年丙寅

公年十五有江南送北客寄徐州兄弟詩自此始有文見於集公父襄州府君建中初令彭城東平叛命與李洧謀以徐州歸國就擢本州別駕至是猶在徐公時遊江南故以詩寄兄弟也然公未仕以前家常在徐豈以府君嘗有功於徐故邪集中又有宿桐廬館詩避難越中江樓望歸詩除夜寄弟妹詩大抵皆南遊所作但莫能考其歲月爾蓋公自少往來江南侍其兄官浮梁遂以宣州解及第既第復至宣城集中是以多江南詩也

三年丁卯

與元九書云年十五六始知有進士舊史云年十五六時袖詩謁顧况况迎門禮謁曰吾謂斯文遂絕今復得

子矣撫言云况謔公曰長安物貴居大不易及讀原上草詩野火燒不盡春風吹又生乃曰有句如此居亦何難

四年戊辰

有王昭君二絕所謂君王若問妾顏色莫道不如宮裏時者也時年十七

五年己巳

有中和作詩是歲初置中和節集有中和節頌未及第時所作而序云臣某忝就賓貢之列則未必作於也

六年庚午

七年辛未

八年壬申

九年癸酉

十年甲戌

五月襄州府君卒於襄陽官舍府君自徐徙佐衢又徙襄公有遊襄陽懷孟浩然詩或是隨侍時作

十一年乙亥

十二年丙子

十三年丁丑

十四年戊寅

十五年己卯

公兄幼文爲浮梁主簿留家於此公實從行有將之饒州江浦夜泊詩云身病向番陽家貧寄徐州當作於此

時是歲舉進士於宣州試射中正鵠賦窗中列遠岫詩公預薦送有傷遠行賦云分微祿以歸養自鄱陽而歸洛陽又云令我來兮秋風其涼蓋公旣被薦乃歸省而其家當復自徐徙寓洛也

十六年庚辰

二月十四日中書舍人高郢下第四人及第試性習相近遠賦玉水記方流詩撫言云攜謁校書郎李逢吉初不爲意及覽賦頭云下自人上達君咸德以慎立而性由習分大奇之元稹爲集序云貞元末進士尚馳競高郢始用經藝爲進退樂天一舉擢上第明年拔萃甲科由是性習相近遠求玄珠斬白蛇等賦及百道判新進士競相傳於京師矣撫言又云時年二十七有詩曰慈

恩塔下題名處十七人中最少年按舊史貞元十四年  
始以進士試禮部擢甲科公生壬子至戊寅恰二十七  
歲與撫言合今以集考之實不然試賦既明著歲月而  
箴言序云十五年天子命渤海公領禮部貢舉事明年  
春一上登第又送侯權序亦云十五年秋予始舉進士  
與侯生俱為宣城守所貢明年春予中春官第則其非  
十四年審矣蓋公與元九書自言年二十七方從鄉賦  
集序因之撫言之誤殆由此然書但云從鄉賦爾不云  
及第也李璜舊譜云樂天年二十九猶未第故有詩云  
此生知負少年春不展愁眉欲三十時貞元十五年也  
明年始登第按十五年公方二十八其曰欲三十者大  
約言之便以為二十九亦誤矣及第後有留別同年詩

云及第未為貴拜親方始榮又有憶舊山與同年賀坐  
主拜太常冬日宴鄭家亭等詩有哀二良文為陸長源  
鄭通誠作也序云十五年隴西薨浹辰而師亂十六年  
夏南陽薨翌日而難作隴西董晉南陽張建封也汴徐  
之變陸鄭皆戎倖死焉

十七年辛巳

祭符離六兄文云去年春居易南遊兄亦東適黟歛之  
間欣然一覲又在宣州祭烏江十五兄文云及兄辭滿  
淮南薄遊江東居易亦以行邁忽逆旅而逢蓋公及第  
後即遊江南復至宣城有敘德書情四十韻上宣歙崔  
中丞云幸穿楊遠葉謬折桂高枝又云磨鉛重剗割策  
蹇再奔馳相馬須憐瘦呼鷹正及飢當是此年所作詩

意欲求辟舉者崔中丞名衍

十八年壬午

有詩云何況鏡中年又逼三十二時年三十一也舊譜以為校書時作非是

十九年癸未

以拔萃選登科時鄭珣瑜為吏部李商隱撰公墓碑云前進士避祖諱選書判拔萃蓋公祖名鯉與宏同音言所以不應宏辭也撫言云白公試宏詞賦考落以賦有不知我者謂我斬白蛇知我者謂我斬白帝也登科之人賦皆無聞白公之賦傳於天下按公未嘗試宏詞此賦或是行卷所作撫言誤也始仕為校書郎集有代書寄微之百韻首云憶在貞元歲初登典校司身名同日

授心事一言知注云貞元中與微之同登科俱授校書始相識公及第於是四年年三十二矣歲有養竹記許昌令壁記及記畫

二十年甲申

汎渭賦序云右丞相高公之掌貢舉也予以鄉貢進士舉及第左丞相鄭公之領選部也予以書判拔萃選登科十九年天子並命二公對掌鈞軸明年春予為校書郎始徙家秦中卜居於渭上蓋公未仕時家多在徐至是始居秦又有八漸偈二月在東都作當是迎家時也又燕子樓詩序云予為校書郎時遊徐泗間張尚書宴予酒酣出盼盼以佐歡歡甚予因贈詩云醉嬌勝不得風裊牡丹花意亦在此年燕子樓事世傳為張建封按

建封死在貞元十六年且其官爲司空非尚書也尚書  
乃其子愔麗情集誤以爲建封爾此雖細事亦可以正  
千載傳聞之謬

順宗永貞元年乙酉

有感時詩云不覺明鏡中忽年三十二勿言身未老冉  
冉行將至

憲宗元和元年丙戌

罷校書郎四月應材識兼茂明於體用科入第四等是  
時順宗未葬以制舉人皆先朝所召命宰相監試元稹  
入第三等策林序云與微之俱應制舉閉戶累月揣摩  
當代之事造成策目七十五門微之首登科予次焉授  
盩厔尉代書百韻詩云東垣君諫爭西邑我驅馳謂微

之拜拾遺也權攝昭應早秋書事亦云丹殿子司諫赤  
縣我徒勞墓碑云以對策語切不得爲諫官然第四等  
自當入赤尉謂語切不得入第三等乃可也有北樓望  
山醉中歸盩厔等詩長恨歌

二年丁亥

有曲江早秋詩云我年三十六冉冉復旦暮碑云試進  
士取蕭澣爲第一事畢帖集賢校理月中由右銀臺召  
入翰林院試文明日以所試制加涇原段佑遂爲學士  
時十一月也入院後有寄題盩厔雙松詩云忽奉宣室  
召徵爲文苑臣舊譜以爲與哥舒大詩不知何據是歲  
元稹母鄭氏死公爲墓銘又有祭楊氏夫人文公維私  
之眷每深公姨也公夫人弘農郡君於虞卿汝士爲從

兄弟

三年戊子

四月二十八日授左拾遺有謝官狀與學士崔群同進  
群時遷庫部員外郎五月有初授拾遺獻書舊譜云二  
年上書授拾遺又一年年三十七公時在諫省命寓直  
集賢殿月中召為學士按公二年自校理入翰林明年  
為諫官既拜乃上書不知譜所云何為乖誤若此有論  
制科人狀時牛僧孺皇甫湜李宗閔對策切直宰相李  
吉甫泣訴於上考官韋貫之等皆坐貶故公極論之公  
時亦為考覆官唐朋黨之禍蓋始此而公與李德裕不  
咸亦始此又有論王鏐除官裴均進奉等狀

四年己丑

有賀雨詩自去冬旱至春始得雨有德宗賢妃韋氏墓  
誌有論魏徵舊宅狀論吐突承璀職名狀有海圖屏風  
詩時方討王承宗公意不然故借巨鼈以風是歲生女  
曰金鑾

五年庚寅

寒食詩云忽因時節驚年幾四十如今欠一年有金鑾  
女睟日詩有論元稹左降狀請罷恒州兵二狀四月求  
京兆府判司得士曹參軍有謝官狀公在諫省數言事  
忤憲宗意其論吐突承璀尤不悅至有小子無禮之語  
賴李絳解救及當改官喻崔羣使求自便又俾中人梁  
守謙宣旨於是有陳情狀蓋亦承上意爾舊譜謂在翰  
苑久不遷故求補外者非也有初除戶曹喜而言志詩



未幾退居渭上有寄禮部崔侍郎翰林錢舍人一百韻  
云五年同晝夜一別似參商自二年為學士至此五年  
崔謂崔羣嘗同狀謝官故又云共詞加寵命合表謝恩  
光也又有適意詩云三年作諫官復多尸素羞一朝歸  
渭上泛如不繫舟又隱几詩云行年三十九歲暮日斜  
時又歸田詩云三十為近臣腰間鳴珮玉四十為野夫  
田中學鋤穀蓋自小諫為戶曹但解諫職而已至是則  
併翰苑皆解去是必移疾求退而史失載爾但集有拜  
裴垽李絳張弘靖武元衡韋貫之五相制考裴垽相在  
元和三年公正居翰苑絳以六年相元衡八年弘靖貫  
之九年皆當公退閑憂居之日此又不可曉也是歲金  
鑿女死有詩云衰病四十身嬌癡三歲女又云病來纔

十日養得已三年

六年辛卯

有沐浴詩云自問今年幾春秋四十初又栽松詩云如  
何過四十種此數寸枝又白髮詩云况今我四十春雪  
詩云元和歲在卯六年春二月此即韓愈集所謂辛卯  
年雪也四月五日太夫人陳氏卒始鞏縣府君寔新鄭  
襄州府君寔襄陽至是皆遷護於下邳以十一月八日  
襄事而陳夫人祔焉有白氏事狀二道

七年壬辰

有秋日詩云下有獨立人年來四十一

八年癸巳

二月有陳府君夫人白氏及弟金剛奴墓誌夫人公之

祖姑且外祖母也金剛奴公之幼弟公既卜葬祖禰至是亦遷祔焉又有祭金剛奴文是歲除喪九月有記異冬有村居苦寒詩

九年甲午

有重到華陽舊居詩云若為重入華陽院病鬢愁心四十三華陽觀公應制舉時所居也有遊悟真寺詩云元和九年秋八月月上弦冬除右贊善大夫有酬盧秘書早朝寄李二十助教詩舊譜云自渭南丁憂至十年喪除為贊善按丁憂在六年八年除喪又二年乃拜官耳十年乙未

有贈杓直詩云巳年四十四又為五品官杓直李建也醉中却寄元九詩云蒲池村裏匆匆別澧水橋邊兀兀

回時微之量移通州司馬三月三十日與公別於澧上見十四年夷陵相遇詩序又是冬在江州與元九書亦云今年春遊城南時與足下馬上相戲各誦新豔小律又云言未終而足下左轉不數月而僕又繼行微之自江陵移通州即令達州也曷不自江陵徑入蜀豈嘗追赴京師而後改授乎有白牡丹詩云應似東宮白贊善被人還喚作朝官六月盜殺宰相武元衡公首上疏請急捕賊以雪國恥宰相以非諫職言事惡之會有惡公者言其母看花墮井死而作賞花及新井詩貶江州刺史中書舍人王涯言其新犯不可復理郡又改司馬宰相韋貫之張弘靖也舊譜併及裴度非是度方為中丞亦遇盜不死既愈廼相耳新井之事世莫知其實史氏

亦不辨其有無獨高彥休闕史言之甚詳公母有心疾因悍妬得之及嫠家苦貧公與弟不獲安居常索米丐衣於鄰郡邑母晝夜念之病益甚公隨計宣州母因憂憤發狂以葦刀自剄人救之得免後徧訪醫藥或發或瘳常恃二壯婢厚給衣食俾扶衛之一旦稍怠斃於坎井時裴晉公爲三省本廳對客京兆府申堂狀至四坐驚愕薛給事存誠曰某所居與白鄰聞其母久苦心疾叫呼往往達於鄰里坐客意稍釋他日晉公獨見夕拜謂曰前時衆中之言可謂存朝廷大體矣夕拜正色曰言其實也非大體也由是晉公信其事後除河南尹刑部侍郎皆晉公所擬凡曰墜井必恚恨也墮穫也凡曰看花必怡暢也閑適也安有怡暢閑適之際遽致顛沛

廢墜之事樂天長於情無一春無詠花之什因欲黻藻其罪又驗新井篇是尉鰲屋時作隔官三政不同時矣彥休所記大略如此聞之東都聖善寺老僧僧故佛光和尚弟子也今考集中亦無所謂新井詩者意其刪去然則公母死以心疾固人倫之大不幸而傳致詩篇以成讒謗則儉壬媚嫉者爲之也故刪述彥休之語以告來者赴貶所有初出藍田過望秦嶺發商州等詩再到襄陽有訪問舊居詩宿鄂州有夜聞歌者詩初到江州有詩云樹木凋疎山雨後又江樓聞砧詩云江人授衣晚十月始聞砧當是秋末冬初始到也有謫居詩云面瘦頭斑四十四遠謫江州爲郡吏臘月有與元九書舊史本傳全載

十一年丙申

二月十日有送春歸詩秋送客湓浦有琵琶引又有始遊廬山詩八月二十日夢微之詩四十五詩云或擬廬山下來春結草堂有與楊虞卿書答崔侍郎書云自到潯陽或已周歲

十二年丁酉

草堂成三月二十七日始居之有記有祭匡山廬山神文有潯陽春詩云四十六時三月盡寫真詩云我昔三十六寫貌在丹青我今四十六衰頽在江城四月有遊大林寺序閏五月公兄幼文卒有祭浮梁大兄文幼文為浮梁主簿在貞元十五年今二十年矣而以舊官終未識中間何以不調也

十三年戊戌

七月八日有司馬廳壁記云予佐是郡行四年矣有浩歌行云不覺身年四十七二月二十日除忠州刺史有荷聖澤及謝崔相公初著刺史緋詩

十四年己亥

春發江州有別草堂及潯陽宴別等詩三月十一日至夷陵遇微之停舟三宿有詩有三遊洞序時微之自通州移虢州長史而公弟知退同行三人始遊故目為三遊洞知退名行簡二十八日到忠州有謝上表有登東樓寄楊萬州及西樓夜東樓晚郡齋即事等詩州有白蓮花命道士毋丘元志寫為圖作二絕句末云天教拋擲在深山傳於都下除夜有詩云明朝四十九

十五年庚子

初春有東坡種花詩二月有郡中春燕詩寒食夜詩云  
四十九年身老日一百五夜月明天是歲正月二十八  
日憲宗崩有酬李相公詩云涕淚滿襟君莫怪甘泉侍  
從最多時時初聞國哀也夏有荔枝圖序冬召為司門  
負外郎有初脫刺史緋別東坡發白狗黃牛峽等詩十  
二月二十八日除主客郎中知制誥

穆宗長慶元年辛丑

正月四日有舉楊嗣復自代狀三月與中書舍人王起  
覆試錢徽下及第人有論事宜狀時以鄭朗等十四人  
謂之子弟不當在選中宰相段文昌學士李紳以囑託  
不行元稹以私憾共唱其事內出孤竹管賦題重試不

能成文徽等皆坐貶公意大抵欲從寬也李建歿公為  
墓碑謂之善人碑又有同元稹祭杓直文十月為中書  
舍人有新昌新居書事云冒寵已三遷歸朝始二年三  
遷謂司門主客中書也是歲公弟行簡授拾遺從弟敏  
中及第皆有詩

二年壬寅

正月有論行營事宜狀七月十日有曲江感秋詩云元  
和二年秋我年三十七長慶二年秋我年五十一中間  
十四年六年居譴黜是月除杭州刺史舊史云時河朔  
復亂數上疏論其事天子不能用遂求外任蓋穆宗荒  
縱宰相王播蕭俛杜元穎崔植等皆齷齪無遠略宜公  
之不樂居朝也墓碑云貶杭州杭江南大藩不得言貶

有初罷中書舍人詩時汴軍亂逐李愿汴路不通故由襄漢赴任有路次藍溪題內鄉縣及經商山鄧州漢江重到江州等詩十月一日到任有謝上表有初到郡政衙退等詩語林云替嚴負外休復休復有時名公喜爲之代

三年癸卯

有立春後五日等詩又二月五日花下忙云二月五日花如雪五十二人頭似霜七月有祈皋亭神文八月有祭龍文禱仇王神文冷泉亭記九月有遊恩德寺泉洞詩是時元稹自同州爲浙東有喜爲鄰郡先寄微之詩過杭有席上及留別贈答詩既至越微之有誇州宅詩所謂謫居猶得小蓬萊者公答之云知君暗數江南郡

除却錢塘總不如自是兩郡常以詩筒往來故有詩云爲向兩川郵吏道莫辭來往遞詩筒舊譜謂元九已在越者非也除夜有寄微之詩云明朝半百又加三四年甲辰

三月有錢塘湖石記五月有祭浙江文是月除右庶子有除官去未間及三年爲刺史詩留題靈隱天竺留贈微之等詩至洛求分司有寄牛相公及分司詩始卜居履道坊得故散騎常侍楊憑宅有卜居詩云遂就無塵坊仍求有水宅未請中庶祿且脫雙驂易注云買宅價不足以兩馬償之又有移家詩云移家入新宅罷郡有餘資又有履道新居二十韻蓋公平生從仕至是始有俸餘於是定居于洛以爲終焉之計唐語林云公罷杭

羅高  
白香山詩集卷  
肆  
俸多留官庫繼守者公用不足則假而復填如是五十  
餘年及黃巢至郡文籍多焚其俸乃亡公自言罷郡有  
餘資而猶有寄留官庫者豈亦如今世有事例而法不  
應得者乎公宅地方十七畝屋室三之一水五之一竹  
九之一而島樹橋道間之池上篇序言之詳矣至後唐  
為普明禪院有秦王從榮所施大字經藏及寫公集真  
藏中洛人但曰大字寺其園張氏得其半為會隱園水  
竹尚在寺中有公石刻甚多見宋敏求河南志李格非  
洛陽名園記其南鄰即崔家池故有題新居寄宣州崔  
相公詩崔相羣也河南志於履道坊亦載羣宅而云今  
不知所在公之居猶可識者不獨以名重亦以有水竹  
且為佛廬故也

敬宗寶曆元年乙巳

三月四日除蘇州刺史二十九日發東都有別洛城東  
花詩和汴州令狐相公答劉和州賈常州寄微之等詩  
五月五日到任有謝表七月有吳郡詩石記九日有詩  
云前年九日餘杭郡呼賓命宴清白堂去年九日到東  
洛今年九日來吳鄉有赴洞庭及揀貢橘詩蓋以貢橘  
為名遊太湖也或者唐守臣修貢皆當躬親如湖常貢  
茶故事邪有寄微之詩云五宿澄波皓月中有霓裳羽  
衣歌云玲瓏空侯謝好箏陳寵感粟沈平笙清絃脆管  
纖纖手教得霓裳一曲成末云李娟張態君莫嫌亦擬  
隨宜且教取玲瓏以下杭妓名娟態蘇妓名唐語林云  
官妓高玲瓏謝好好巧於應對善歌舞居易在杭樂於

蘇詩有使君全未厭錢塘之句張君房脞說云高玲瓏  
餘杭歌者樂天作郡日賦歌與之云罷胡琴掩秦瑟玲  
瓏再拜歌初畢末云玲瓏玲瓏奈老何使君歌了汝更  
歌元微之在越厚幣邀至月餘使盡歌所唱之曲作詩  
送行兼寄樂天云休遣玲瓏唱我詞我詞多是送君詩  
冬有西樓喜雪夜宴詩京兆元少尹文集序

二年丙午

歲日家宴詩云歲盞復推藍尾酒春盤先占膠牙餠正  
月三日閑行詩云赤欄三百六十橋花前歎云前歲花  
前五十二今歲花前五十五有百日假滿詩蓋欲移病  
歸洛故也劉禹錫有白太守行云聞有白太守拋官歸  
舊谿公答云昨乞百日告起吟五篇詩去年到郡時麥

穗黃離離今年去郡日稻花白霏霏舊譜云劉與公為  
代非也夢得時在和州歲暮罷歸洛與公相遇於楊楚  
間其為蘇州乃在大和六年齊雲晚望詩云欲辭南國  
去重上北城看九月全無熱西風亦未寒河亭晚望詩  
郡靜官初罷鄉遙信未回明朝是重九誰勸菊花盃是  
九月猶在郡公之去蘇蓋在秋冬之交有自問行何遲  
詩除日有答夢得同發楚州詩是冬弟行簡死  
文宗大和元年丁未

宿滎陽詩云生長在滎陽少長辭鄉曲去時十一二今  
年五十六公生於新鄭自蘇還道過之初到洛陽有閑  
遊詩三月召為祕書監有初除賜金紫詩舊譜云祕丞  
大誤有祕書省後廳詩十月有三教論文宗誕日與僧



四  
惟應道士趙常盈麟德殿講論也

二年戊申

正月除刑部侍郎有文集後序云二年秋余春秋五十有七是歲大有年有詔賜百官出城觀稼詩和微之五十七三首又和除夜詩云君提七郡籍我按三尺書蓋微之在越凡七年除夜知退大祥有祭文

三年己酉

春以病免官除太子賓客分司有喜除賓客詩將至東都有寄令狐留守詩云惜逢金谷三春盡蓋以春暮至洛也歸履道宅詩云今日是長歸自是迄公薨凡十八年在洛終不渝長歸之語舊史云太和後宗閔德裕朋黨事起穎士虞卿與宗閔善居易妻穎士從父妹也居

易懼以黨人見斥乃求置身散地凡所居官未嘗終秩率以病免識者多之有劉白唱和集解有偶作詩云身為三品官年已五十八夏有祭韋相公文處厚也有池上篇是冬與元稹各生子有賀微之詩又有自嘲詩云五十八翁方有後靜思堪喜亦堪嗟又阿崔詩云豈料鬢成雪方看掌弄珠

四年庚戌

有三月三十日詩云半百過九年豔陽殘一日有同李翱祭李司徒文李絳也是歲遇害於興元十二月除河南尹有醉中除尹敕到詩有除夜詩云火銷燈盡天明後便是平頭六十人

五年辛亥

有六十拜河南尹詩不準擬身年六十詩府中夜賞詩  
阿崔年三歲死有哭崔兒詩報微之晦叔及酬夢得詩  
七月元稹薨有哭微之詩十月有祭文

六年壬子

春有贈分司諸公詩寒食宴遊贈馮李二尹詩府酒五  
絕夏有沃州禪院記六月有薦韋晏李楚狀秋七月有  
元稹墓誌八月一日有修香山寺記寺在龍門山後魏  
熙平元年建公自為庶子賓客分司數往遊焉慨然有  
葺完之願及是為微之誌墓潤筆之直六七十萬義不  
受以施此寺開成五年又為作經藏蓋嘗自稱香山居  
士云康駢劇談錄曰盧簡辭遊伊水別墅方冬霰雪微  
下忽有蓑笠牽蓬艇中有白衣與衲僧同坐舡後以小

竈安桐甑而炊烹魚煮茗泝流吟嘯使人問之乃白傳  
同佛光往香山也冬劉禹錫除蘇州過洛留十五日朝  
觴夕詠頗極平生之歡各賦數篇視艸而別崔群薨有  
祭崔相文有憶舊遊詩寄劉蘇州有贈崔常侍晦叔詩  
十二月四日有答崔賓客詩云今歲日餘二十六來歲  
年登六十二又有二十三日呈晦叔云案頭曆日雖未  
盡向後惟殘六七行

七年癸丑

元日勸酒詩云三盃藍尾酒一襟膠牙錫此對嘗再用  
之又云夢得君知否俱過本命年公與夢得皆壬子生  
也有早春醉吟詩寄太原令狐公及劉蘇州又醉送李  
二十常侍赴鎮浙東詩李紳也公嘗有詩云悶勸迂辛

酒閒吟短李詩時李自壽陽分司甫至洛而刺越有春  
題府廳詩云潦倒三川守因循涉四年四月罷河南尹  
歸履道舊第有解印出公府詩五首及罷府歸舊居再  
授賓客分司等詩七月崔玄亮卒有哭晦叔詩又有微  
之敦詩晦叔相繼長逝歸然自傷因成二絕劉蘇州寄  
釀酒糯米李常侍寄楊柳枝舞衫有詩謝之

八年甲寅

有早春憶蘇州寄夢得詩有感春詩云心情多少在六  
十二三人寒食日有翫半開花詩贈皇甫郎中有家釀  
新熟詩六十三翁頭雪白假如醒黠欲何為三月裴度  
為東都留守有侍中晉公欲到東洛先蒙書問期宿龍  
門詩七月有洛詩序云自三年春至八年夏在洛凡五

周歲作詩四百三十六首是歲有溧水令白君墓誌銘  
府君名季康敏中之父至今溧水城隍神相傳為白君  
也

九年乙卯

有覽鏡喜老詩云行年六十四安得不衰老夏有崔晦  
叔墓誌有東林寺文集記集凡六十卷九月除同州刺  
史不拜有詠懷詩十月改授太子少傅分司有詩云承  
華東署三分務履道西池七遇春於是劉禹錫自汝州  
移同州實與公為代有喜見劉同州詩劉集亦有酬公  
詩云舊託松心契新交竹使符也十一月有詠史詩云  
彼為菹醢几上肉我作鸞皇天外飛又有二十日獨遊  
香山感事詩云當君白首同歸日是我青山獨往時時

新有甘露之禍初江州之貶王涯有力焉說者因是謂公幸之惟東坡蘇公云樂天豈幸人之禍者哉蓋悲之也以愚觀之其悲涯輩之禍而幸已之不與者乎鸞皇蓋自况也公又嘗有詩云今日怜君嶺南去當時笑我洛中來未知爲何人作亦此意也

開成元年丙辰

有春遊詩云我年六十五走若下坡輪有春盡日天津橋醉吟詩呈李尹時李紳自分司新除尹閏五月有聖善寺文集記凡六十五卷秋劉禹錫分司有喜夢白馮翊歸洛詩十月有皇甫鏞墓誌銘是歲楊虞卿死於虔州有哭師皋詩楊汝士授東川有代妻戲兄嫂詩

二年丁巳

春有感事詩云無憂六十六年春又有六十六詩云五十八歸來今來六十六又云七十欠四歲此生何足論有落齒辭三月三日尹李待價啓留守裴侍中修禊合宴於舟中有詩十二韻侍價李珣也有蘇州南禪寺藏記有聞新蟬贈夢得詩五月裴度尹太原牛僧孺爲留守有同夢得牛相初到小飲見貽詩

三年戊午

春有櫻桃花下有感而作詩有醉吟先生傳北夢瑣言云白公與元相友善集有詩云相看掩淚俱無語別有傷心事豈知想得咸陽原上樹已抽三丈白楊枝洎自撰墓誌云與彭城劉夢得爲詩友不言元公時人疑其隙終也按此非墓誌語乃醉吟傳中語時元之亡久矣

其言與僧如滿爲空門友韋楚爲山水友皇甫朗之爲酒友皆一時見在人則其於詩友自不應復及死者又嘗爲劉白唱和集序且與劉書云微之先我去矣詩敵之勅者非夢得而誰此尤可證公與元同升科第俱負直聲中歲復俱蹇連晚而元撓節速化得罪清議公獨終始如一二人賢否固不可槩論而其交情死生不渝觀香山寺記尚欲結他生緣風誼之美可厲薄俗掩淚傷心之句旨意甚哀而或者臆度疑似乃有隙終之論小人之不樂成人之美如是哉有題河南內廳詩云盃嘗七尹酒蓋自罷河南六年換七尹酒味皆不同七尹者嚴休復王質鄭澣李紳李珣裴潏韋長也除夜有詩云七十期漸近萬緣心已忘

四年己未

有四年春詩云又入開成第四春二月有蘇州南禪院集記凡六十七卷十月旦得風痺疾有病中詩十首并序鬻駱馬別柳枝詩在焉別詩云明日放歸歸去後世間應不要春風而又有不能忘情吟云駱反廡素反閨又云素兮素兮爲我歌楊柳枝與爾歸醉鄉去來按劉禹錫和公詩云春盡絮飛留不得隨風好去落誰家公又戲答云柳老春深日又斜任它飛入別人家他日又有春隨樊子一時歸之句則是柳枝竟去也意其初疾欲放而復留至明年乃春去耳有白蘋洲五亭記稱十月十五日則病後所作也

五年庚申

有病入新正強起迎春寄思黯及病後寒食等詩三月三十日有燕罷感事吟詩云病與樂天相伴住春隨樊子一時歸按不能忘情吟序云妓有樊素者年二十餘綽綽有歌舞態善唱楊柳曲人多以曲名之其辭曰素事主十年凡三千有六百日公年五十八自刑部侍郎分司歸洛至六十八而得疾於是十年矣當是初歸洛時得之公嘗有楊柳枝詞八首又有楊柳枝二十韻自注云楊柳枝洛下新聲也洛之小妓有善歌者詞章音韻聽可動人故賦之本事集云白尚書姬人樊素善歌小蠻善舞嘗為詩云櫻桃樊素口楊柳小蠻腰白公年邁而小蠻方豐豔因為楊柳枝以寄意曰一樹春風萬萬枝嫩於金色軟於絲永豐坊裏東南角盡日無言屬

阿誰如本事集之說則樊素小蠻為二人以集考之不見此二句詩亦無所謂小蠻者而柳枝即樊素也舊譜引公詩兩枝楊柳小樓中嫋娜多年伴醉翁兩枝楊柳必非一人又有九日代羅樊二妓招舒著作云羅敷斂雙袂楚姬獻一盃意所謂兩枝楊柳者然皆臆說未必然也又按劉禹錫有寄小樊詩云終須買取名春艸又憶春草詩云河南大尹頻出難只得池塘十步看府門閉後滿街月幾處遊人草頭歇則春草似是府妓又公喜見劉同州詩云應須為春草五馬立踟躕夢得答云今朝停五馬不是為羅敷注云前章所言春草白君之舞妓也然則春草與柳枝似各是一人偶同姓樊爾漫詳及之資雅話公又嘗有詩云菱角執笙簧谷兒抹琵琶

四九七  
白香山詩集卷  
三  
琵琶紅綃信手舞紫綃隨意歌注云菱谷紅紫皆小蠻名  
也是秋有病後獨宿香山二絕云更過今年年七十十  
一月有香山洛中集記凡十卷

武宗會昌元年辛酉

春有病後喜過劉家等五絕又偶吟呈夢得云且喜開  
年滿七旬為李紳作家廟碑云開成會昌之際當在此  
時有百日假滿少傅官停自喜言懷詩除刑部尚書致  
仕時李德裕初用事也有官俸初罷諭親故詩戲酬牛  
相呈諸寮友詩與夢得同致仕裴賓客王尚書飲詩云  
四箇老人三百歲有逸老詩云我初五十八息老雖非  
早一閑十三年所得亦不少皤然七十翁亦足稱壽考  
是歲李程為留守過公池上汎舟話及翰林舊事公有

詩云同時六學士五相一漁翁五相謂李吉裴垵崔羣  
及程也與公皆元和初學士舊譜以為李逢吉非是考  
翰林記逢吉未嘗為學士考河南志其為留守乃大和  
中也

二年壬戌

有喜入新年自詠云大曆年中騎竹馬幾人得見會昌  
春有宿府中水堂贈盧尹中丞詩云從我到君十一尹  
相看自置府來無前已見七尹外有高銖孫簡盧貞并  
公為十一人有香山寺寫真詩云  
有贈妻弘農郡君詩有達哉樂天行秋劉禹錫卒有哭  
夢得詩又有感舊為李杓直元微之崔晦叔及夢得作  
皆執友也有送敏中為戶部員外郎詩云前鴻後鴈行

相續相去迢迢二十年注云長慶初為主客員外郎到  
今二十年歲暮聞盧尹夜宴以詩戲之爲來日張本云  
府中歡笑勝尋常明朝強出須謀樂

三年癸亥

送王使君赴蘇州詩云一別蘇州十八載公以寶曆丙  
午去蘇於今十八年

四年甲子

有遊趙村杏花詩云七十三人難再到今春來是別花  
來有問諸親友詩云七十人難到過三更較稀有開龍  
門八節灘九碛詩云七十三翁旦暮身誓開險路作通  
津

五年乙丑

有齋居春夕感事遣懷詩云風光拋得也七十四年春  
三月二十一日與前懷州司馬胡杲衛尉卿吉皎前右  
觀武軍長史鄭據慈州刺史劉真御史盧貞永州刺史  
張渾及公共七人爲齒會於履道宅詩云七人五百七  
十歲祕書監狄兼謩河南尹盧貞以年未七十雖預會  
而不及列故又稱九老會是會蓋有兩盧貞也  
本朝洛中九老會蓋倣此而司馬公未七十預會亦用  
狄監盧尹故事云

六年丙寅

有自詠示諸家屬詩云壽及七十五俸霑五十千有立  
春日人日詩又有詠身詩云自中風來三曆閏盧尹和  
公永豐坊柳詩公亦和云定知天象今春後柳宿光中



添兩星按本事集云宣宗聞唱是詞問永豐所在及何人所作因東使命取兩枝植於禁中宣宗以是歲三月即位藉曰於會昌為叔父且有宿憾然亦不當於授受危疑之際聞歌植柳如是其急者盧貞為尹在四年七月或只是五年春武宗在位時事以本事集指為宣宗故記之於此八月公薨贈尚書左僕射有自為墓誌銘公卒之歲新史及墓碑所載皆同獨舊史云大中元年年七十六非也當以墓碑為定公自喪阿崔終身無子墓誌云以姪孫阿新為後又云三姪曰味道景回晦之世系表載公子景受以從子繼碑亦云大中三年景受自穎陽尉典治集賢書奉太夫人楊氏來京師命客取文刻碑按公舍其姪而以姪孫為後既不可解而所謂

阿新者即景受乎則昭穆為失次不然則治命終不用耶碑云十一月葬龍門而墓誌云葬於華州下邽祔先塋也則治命亦本不於龍門賈氏談錄云四方過者必奠卮酒冢前方丈常成泥濘墓誌又云毋請太常謚毋建神道碑新史云敏中為相請謚曰文賈氏談錄云有司請賜謚上曰何不取醉吟先生墓表看卒不賜謚弟敏中奏立神道碑據此則但立碑而未嘗賜謚也新史當別有據新史又云宣宗以詩弔之今其詩見摭言略云綴玉聯珠三千首誰教冥路作詩仙舊譜云李德裕貶崖州公有詩三首其一云樂天嘗任蘇州日要勒須教用禮儀從此結成千萬恨這回果中白家詩六年四月德裕貶崖而公之卒不記其月按此蓋未嘗見神道

碑而此詩集中無有見於漁隱叢話謂攷之元和錄居易年長於德裕視德裕為晚進德裕為浙西觀察使居易刺蘇州德裕以使職自居不少假借居易不得已以軍禮見及其貶也故為詩云元和錄者世不見其書不知漁隱從何得之也德裕以四月罷相為江陵尹其自潮貶崖蓋在明年之冬公薨固已久矣審如詩意則為幸灾快忿非青山獨往之比故穎濱蘇公力辨之以為刻核太甚樂天不至此也蓋不待攷其年月而可知其偽矣况年月復甚明白舊譜何其不深攷耶要之小說所載自難盡信公與德裕本無深怨蓋自元和中其父吉甫為相而牛僧孺李宗閔對策切直吉甫泣訴於憲宗考官坐貶而公嘗上書救之李絳與吉甫友叶而公

又與絳善其後牛李與德裕迭為相其黨亦迭為軒輊楊虞卿汝士與宗閔尤厚號黨魁而公夫人虞卿從妹矣故德裕惡公武宗聞公名欲召以為相德裕言居易衰病其弟敏中文詞不減居易且有器識遂以為翰林學士孫光憲北夢瑣言云劉禹錫大和中與德裕同在東都分司禹錫謁德裕曰曾得白居易文集否德裕曰累有相示未嘗一披今為吾子覽之既啓復卷曰吾於斯人不足久矣其文章精絕何必覽之但恐回吾之心其見抑也如此楊虞卿牛僧孺公皆密友也其不引翼義在於斯按唐朋黨之禍始於元和之初而極於大和開成會昌之際三十年間士大夫無賢不肖出此必入彼未有能自脫者權位逼軋福禍伏倚大則身死家滅

小亦不免萬里投荒獨公超然利害之外雖不登大位而能以名節始終惟其在朋黨之時不累於朋黨故也故元稹裴度之深仇也公雖厚於稹而亦親於晉公晉公在位公爲丞郎李宗閔牛僧孺之死黨也公雖厚於僧孺而未嘗昵於宗閔僧孺當國公方自杭州求分司李紳德裕之至交也公雖惡於德裕而與紳唱酬往來情分極不薄公於交遊無所適莫可見於此矣然則公之論牛李自是舉諫爭之職而非以內私交其師皋慕巢厚善自是篤姻婭之好而非以徇權勢公能信於裴度李紳而不能信於德裕何哉晉公之德量固非公垂之比而文饒之忌刻又在公垂之上其進敏中以抑居易自以爲得策及其失勢擠之而下石焉者乃其所謂

有器識者也自古朋黨雖起於小人之傾危而成於小人之剛褊以文饒之才略號稱賢相而不免禍者其心未能休休有容故也然文饒雖惡公不過使之不爲相而公亦卒無他禍詩云旣明且哲以保其身白公有焉嗚呼可不謂賢乎

白公文集行於世者皆有年譜與集並行得以考其平生之出處歲月之後先吳門所刊白氏長慶集首載李璜德劭所爲譜參政樓公稱之以屬諫議李公訪求而刻焉紹定庚寅余始得其本而觀之旣曰譜矣而不繫年其疏略抵牾有不可枚舉者攻媿號博洽不知何獨取此家居無事因取新舊史實錄等書及諸家傳記所載參稽互攷別爲此譜自其始

生之年以及考終之歲次第審訂粗得詳確猶恨孤學諛聞未必能逃目睫之譏不敢傳之他人惟以自備觀覽而已孟夏十有二日譜成直齋陳振孫伯玉

父

立名按今白集錢考功本並依吳門宋刊獨無李璜譜不知何時芟去就直齋所譜可以繫見其外謬豈特目不知有史傳即白公文集亦似從未省覽者吳本之年譜如此無怪其編次之荒唐乃爾也近世購書家但重宋本略不鑿別幸而李譜不傳陳氏較正之書尚在設以彼易此亦將據宋刻而信之否乎顧白公以元和五年庚寅除京兆戶曹六年辛卯丁母陳太君喪始歸渭村時年四十故歸田詩云四十為野夫也直齋乃以此詩係之五年且云移疾求退然陳太君以六年卒於長安宣平里第猶自京兆府申堂狀安得先一年歸渭村又香山九老不及如滿李爽及七十致仕並略有異同語詳新譜及九老圖詩後要之直齋考据精確多詳人所不能詳其他自不嫌疎略也

白文公年譜跋

香山居士長慶集舊刊於郡之思白堂因以一帙遺湖南林漕復書乃以陳直齋所編年譜見囑謂有文集而無年譜不幾於缺典乎得此喜為完書鉸梓以冠於集首亦可以訂香山之出處云端平甲午重午漢國趙善書

白氏文集自記

卷

白文公年譜

白氏文集自記

白氏前著長慶集五十卷元微之為序後集二十卷自

為序按各本後序列二十一卷之首者乃序長慶三年至太和二年六載之詩尚未及洛中諸作似非二十卷之序也今姑仍之今又續

後集五卷自為記按文獻通考云續後集亡失三卷今本僅七十一卷是又亡一卷矣前後七十五

卷詩筆老學菴筆記南朝詞人謂文為筆唐人仍之亦稱杜詩韓筆大小凡三千八百四十首

按今本七十一卷凡三千六百八十八首約亡失詩文一百十餘首然此記作於會昌五年公七十四歲明年八月始卒集中如六年春及自詠老身等詩皆七十

五歲所作不在此記內是公集又不止於七十五卷矣集有五本一本在廬山東林寺經藏

院太和九年夏勒成六十卷合一本在蘇州南禪寺經藏內開成四年二月

二日為七卷合六十七卷凡三千四百八十七首有記一本在東都聖善寺鉢塔院律庫樓

開成元年為六十五卷凡三千二百五十首有記一本付姪龜郎一本付外孫談閣童各

藏於家傳於後此二本亡考按公自為墓志云前後著文集七十卷合三

即指記中所云其日本新羅諸國及兩京人家傳寫者不在此記

白文公年譜

一隅草堂

又有元白唱和因繼集共十七卷集中有因繼集序劉白唱和集


五卷集中有劉白唱和集解洛下游賞宴集十卷集中有洛中詩序又有洛中集記始於太和三年春訖於開成


五年凡十有二年以上皆詩集也其文盡在大集錄出別行於時若集內無

而假名流傳者此指七十五卷之外而言皆謬為耳會昌五年夏五月一

日樂天重記

白文集目錄





110X  
503  
10